

彭澤縣志卷之十一

人物

宦業 武功 忠烈 殉難 過



兩大間日星河岳莫不有靈秀之氣存乎其間其洩之也為忠臣為孝子為義士仁人以及名儒碩彥潔清隱逸之流皆足以當之古云十里之津香草生焉况一邑乎彭澤襟帶江湖山水明秀前賢過化遺韻猶存加以我

國家甄陶化育二百餘年知必有鍾靈毓秀者聯翩蔚起考文徵獻首紀宦業其有品望允合鄉評學行見重士類文藻堪傳藝林者莫不詳誌而備錄之志人物

彭澤縣志

卷之十一

宦業

宦業

宋

張夢祥登宣和六年進士靖康中欽宗北轅夢祥攀從被執不屈金主義而釋之歸隱仁磯終身不仕時人高之稱仁山先生祠鄉賢

元

陶璣璿字均政明經修行鄉里推其孝第大德間縣尹曹靖國表薦於朝授本縣主簿祠鄉賢

明

黃信由貢舉入監洪武二十二年任湖廣監察御史歷廣西按察使尋陞湖廣布政使所至有聲晉右副都御

史剛正不屈彭邑德望公爲首稱祠鄉賢

歐陽尚誠賦性孝友值元末兵亂練眾保障鄉人賴以安堵六祖征陳友諒師駐彭澤尚誠率其眾齎牛酒勞師友諒平召至京師錫以開國殊勲匾額復賜聯云大江東去幾千里白下西來第一家卽授世襲本縣令力辭授本縣丞仍賜鐵券銀襪遣歸祠鄉賢

劉 隆字尙文本姓王洪武中由貢舉入監授廣州府同知勤於政事擢福建參議未幾調廣西閩之士民慕其惠澤上疏懇留轉陞福建按察使巡視海道備倭甚整寇不敢窺居官三十年清操如一祠鄉賢

劉剛仲性冲澹義不苟取事親曲盡愛敬洪武中舉孝廉彭澤縣志

卷之十一

宦業

二

授浙江仁和令清操苦節有范丹之風

柯振祖性穎敏博學善屬文制行剛方不徇時好洪武中舉賢良方正授湖口學訓諸生肅然

凌守誠洪武間以人材舉用授興化府倉副使以卓異聞擢知浙江金華府有三異政改知廣東韶州府感上特知厲精政績擢應天府府尹居官清白宦橐蕭然祠鄉賢

王 奎字友文永樂初舉賢良方正以母老不就後縣乏令當道檄奎署事時旱魃爲虐奎祈禱精誠入廬山求水道遇僧沈覺顯爲書二符持歸至縣而雨是歲豐稔倍常祠鄉賢

周泰亨永樂乙未進士授廣西道御史巡撫直隸湖廣克
張憲度百僚屬而終湖廣按察僉事

皇永樂乙未進士授刑科給事中剛直敢言屢有建
白於朝行已端方士論重之

歐陽剛字元用宏治間由太學生任南京北城兵馬指揮
清慎自持授福建邵武督糧通判轉徐州知州力請解
組歸之日行李蕭然年踰八旬無疾而逝祠鄉賢

艾琳由歲貢任湖廣景陵縣丞致仕生平慎言篤行好
學甘貧祠鄉賢

陶圻字仲廣幼警敏不羣識者覘爲偉器補邑庠生督
學馮公大奇之取冠多士正德中以歲貢授順天大城

彭澤縣志

卷之十一

宦業

三

學訓轉山東商河教諭獎進士類名彥多出其門在商
河有訟子不孝者有弟訟兄者召諭之以孝弟皆感泣
悔過評事劉璿以誑誤杖死櫬歸貧不能葬爲白當道
仍捐已俸助之流賊剽掠商河有二女被執誓死不辱
爲具聞其事表揚之告休歸諸士攀留甚摯圻博學精
書隸所著有五倫箴家禮便宜詠史考正時年六十三
不疾而終邑人舉祀鄉賢商河亦祀名宦祠

丁湛字子一嘉靖己丑進士擢工科給事中正色立朝
多所建白轉吏科左給奉命典試己亥扈駕南巡條陳
事宜務從簡約官民稱便晉禮科都給事中時嚴嵩當
國湛疏發其奸詔杖闕下幾斃謫理邵武邵士乏科目

久湛爲遷學訓課士風彬彬感惠立祠鐫秩量移南曹
擢四川參議會川東大稜湛多方經畫民賴以生者數
十萬人中丞上其事特賜優獎白草寇川南勢甚熾直
指袁奏遣湛剿撫番人效順補貢所歷郡邑祠祀不絕
已而巡浙海道有剿寇功考績離任四閱月矣黃巖失
守嵩猶追罪之落職家居布衣蔬食淡如也嵩敗當道
交薦起廣西參政尋轉按察使平徭獮之變擢陞河南
巡撫引疾歸居二年危坐中庭與二子剖析陰陽書未
竟而卒祠鄉賢

陶欽夔字克諧母夢日墮懷覺而生嘉靖壬辰進士授大
理評事擢御史世宗幸郢申欽夔以扈蹕行時上方嚴
彭澤縣志

卷之十一

宦業

四

明羣臣兢兢救過不贖河南御史坐謫戍上命擇可者
以聞眾推欽夔倉卒被命百務倥傯咄嗟以辦豫民不
擾於是上知陶御史賢賜食寵以金幣河南譏欽夔疏
請帑金數萬賑之全活甚多上賜盡心安輯四字褒之
北敵入寇上疏引宋司馬韓范諸公以責嚴嵩語頗切
直嵩啣之遂補太倉兵備時海寇方熾欽夔剿撫多功
外艱起復備兵襄陽五溪蠻弗靖巡撫林雲同以宿望
薦公加參政備兵辰沅欽夔計擒其酋龍許保餘黨悉
遁南土以甯晉湖廣按察使轉河南左布政使疾作告
歸終於家欽夔器宇淵宏機神敏捷遇事持大體不務
苛察在辰五年尤多奇功今洛楚中俱有祠

陶欽泉字克允生而穎異八歲能文日覽千言終身成誦
年十六母喪蔬食三載鄉閭稱之弱冠補弟子員時大
饑卽上書兵寇陳救荒策後師事涇野呂公講陽明之
學呂公器之由是厭薄凡近歸作日新考以驗獨知
然以斯文爲己任嘉靖庚子以禮經魁鄉薦登甲辰進
士授刑部主事改御史因爭辨東廠擅擬人命申官呼
爲大膽御史庚戌京師戒嚴分守三門運籌巡衛至不
違食者七日時閉城乏薪水民情洶懼舉力疏請開一
門賴以不困尋奉命募兵徐淮人樂應募旬日得勝兵
數萬事聞上語輔臣曰朕固知其有才也巡撫眞定風
紀獨持生平危言讜論具在奏疏中將膺大用竟以疾

彭澤縣志

卷之十一

宦業

五

卒於冀州賈志弗終時論惜之

曾 遜本籍九都橋亭人其先曾永四者從常開平王入
郢故子孫世籍郢中爲安陸衛人遜少有志以聖賢
自期遊庠屢試有聲由貢士授金堂縣尹在任八年政
教大行嘗捐俸以佐民賦民愛之如父母不合上官
然引退行之日囊橐蕭然士民繪像立祠以曾孫省
貴贈工部尙書

歐

號柏菴其先祖奕宋天聖中知江州

家焉八世祖尙誠從明征僞漢授彭澤縣丞遂世爲
澤人一敬生有至性岐嶷不羣登嘉靖己未進士授
山令爲政廉平以愛人爲本民多訟一敬剖決無滯

清獄空自奉儉約常祿外一無所取時海寇有警浙總制官嚙命勦捕辱御部縣一敬獨持禮不曲徇取媚總制初欲申傳之廉知其賢更寵遇之薦於朝三載績成內召入失慈母爲立祠尸祝既拜刑科給事中劾罷禮部尙書董份遷兵科都給事言廣西總兵不當用勲臣因劾恭順侯吳繼爵罷之以俞大猷代寇大入陝西劾總督陳其學巡撫戴才俱奪官又以軍政劾英國公張溶浙江總兵官九人不職俱貶斥世宗覽疏謂輔臣徐階曰此豈歐陽修裔乎何文章氣節多似之也冊封襄藩辭王所餽兼金珍異遣賜於家卒弗受自嚴嵩貶言官爭發憤議事一敬尤敢言隆慶初適新庶政有

言官論時事被黜一敬聞而歎曰此豈新政所宜有耶上章請解已職畀之以通言路時輔臣高拱恃講讀恩熏炙一時一敬屢劾拱威制朝紳擅權專國亟宜罷黜已而陳兵政入事部皆議行南京振營兵由是罷去積患遂除中官呂用等典京營一敬力諫事寢以故直聲振朝野俄擢太常少卿乞假歸杜門謝客於公府一無所干己巳京察以清華無忝瑣闥有聲註考劄取供職明年染疾屢疏乞歸解組南旋行至德州卒年四十有八生平慷慨有大節諫垣章疏切中時艱位躋要軸卒之日家無餘貲時論咸痛惜之戊寅督學江公以東來公議祀鄉賢

王煥疇應斗孫也字孟箕號震澤萬曆辛卯舉人壬辰進士授南京工部營繕司選廣西桂林知府居官廉潔不奇一錢乞休時家無長物惟古書千帙及石刻各大家帖耳殯葬著書善詩賦工真草鏤板刻石寶其墨法不減二王著有王氏家訓古學齋醉陶和陶集諸書學政黃汝亨疏請祀鄉賢祠初仕爲甯海令士民感惠立祠曰永思

贈光祿寺丞祀鄉賢

彭澤縣志

卷之十一

宦業

七

王曦字馭初號赤城萬曆庚子由選貢中式南闈壬戌成進士選江陰縣令值魏璫崇建生祠曦遂去官起浙江龍游縣令龍俗苦盜曦以法捕之一時屏跡轉都察院經歷晉南京兵部武庫司郎中勳戚強宗見曦拱服撫循衛軍修明器械兩大司馬交疏薦擢浙江參議未任告老曦素行嚴毅居家孝友每朔望必集鄰里子姪講聖諭六條殫心易理著易經通解暨時習錄鏡心錄舉業發機等書癸酉卒於家督學侯公特舉鄉賢浙亦舉祀名宦

周禮嘉字體亨號筠冲萬曆庚子舉於鄉生而穎異篤孝友因母老就萬安教諭陞四川江津令清操自持時奢

賊據淪所掠郡邑望風披靡來攻江津嘉焚香結茭曰
賊破我必不生乃廣募鄉勇竭力守禦凡兩閱月知賊
已疲出與之戰賊遂潰孤城卒保隨以監軍同秦良玉
用計擒賊恢復全省兩臺序功交疏特薦應召入京值
魏璫勢熾遂致仕歸人服其識祀鄉賢子易象登崇禎
壬午鄉薦

計成久號葛初中萬曆己酉鄉試任廣東海豐合地近海
倭屢爲患久至廉惠孚民防禦有方寇不敢窺願聽招
撫積寇以平鄰邑俱賴以安海豐爲立生祠崇祀名宦
著有知新錄藏於家

柯友桂字侶仙號蓮庵崇正辛未進士授金壇縣知縣歷
彭澤縣志 卷之十一 宦業 八

湖廣驛鹽道擢按察使賦性不阿胥吏多憚之

喻以恕字心如崇禎進士初任工部主事管太倉庫清釐
出納餘羨皆記籍纖毫不以自潤性寡合爲忌者所中
左遷浙江處州府司李恬然赴任益勵冰操治城旦書
輒多所平反乙酉轉秋官郎中更大故旋里未一載賢
志以終少貧家無寸產後亦宦業蕭然著有硯齋草槿
園集四書詠明詩起古學彙存諸書

何九達字行可號養沖以選貢任來安知縣耿介清慎營
道咸重之致仕歸卒年九十餘鄉人以德屋目之

國朝

劉 曉字映葵少負志節

國朝定鼎開黔閩滇曉挾策行間佐參帷幄康熙元年
壬寅以人材授宜章令旋轉永甯知州民以福星呼之
十三年甲寅討平吳逆曉以司道能員之薦取用入廣
從將軍傅宏烈進勦有功授平樂知府隨領兵攻取賀
縣殺賊萬計入奏進取機宜稱

旨授參議道銜賞賚有加禮旋募兵入粵加監軍道隨
師戮力進勦蠻荒所向無敵每以勿殺平民勿擄子女
申戒軍士本年分守廣西右江道西人德之建祠祀焉
缺裁續補浙江糧道詢民瘼革陋規吏肅風清人莫敢
以非禮犯者註上考二十八年

聖祖南巡召見丹陽口

彭澤縣志

卷之十一

宦業

九

上曰此百萬軍中一書生也賜鹿尾一錫本年夏病
乞休卒於家曉性孝友尤慷慨好義著有從征錄南北
遊草

劉 堂字衢又號克庵爲諸生刻苦勵行教授生徒卽講
求仁民愛物之理丙子丁丑連舉鄉會授鹽亭知縣有
惠政以憂解去民送之皆泣下時有宦囊似水淚珠滿
船之句人以爲實錄服闋補汝陽令清聲益著 行取
吏部稽勲司主事恩老功文選正郎旋轉給事中掌科
印兼理錢局當

世宗新政勵精圖治堂期年七上疏有嚴保舉以杜濫
進移推關以全商船減浮糧以甦民困等議

帝頗納之最後論科臣與臺臣體統不協遂抗章激臺
臣語頗懇

上以堂平日自稱實心爲國且有膽氣置西塞戒斯軍
申三年

召還堂既自西歸家居猶蒙

聖眷子鎮寶謁選

上溫語及堂者再

清問鎮寶曰爾父在家可好投鎮寶雲南令給假省親
時堂已八旬鎮寶欲請留養堂曰吾荷

聖祖養多年厚恩未報今老矣爾當竭力報効毋以
我爲念鎮寶殉難烏蒙堂聞之三嘆子能捐軀吾死亦

瞑目矣年八十四卒於家堂在諫垣久凡所奏牘歸卽
自焚其草姬鎮國侍堂 京師記其五疏所著有克庵
制藝鹽亭詩草各一卷子四鎮寶以忠顯見忠烈傳

袁學謨字迪來家世儒術少負嗜學研經汲古得其根柢
壯密金陵操選政與許泰交及太史王晦友善盡通經
史百家言甲午迄甲辰鄉會皆以五經雋時人目爲袁
五經丁未年五十九以進士授石樓令石爲晉虜邑多
逋賦謨至治以寬政貸民牛種繼出歷年養廉代輸積
逋民賴以甦次勸農田興義學修志繕城掩露豁除樂
籍居七年調繁汾陽汾俗險健下車大書八字於庭曰
冰心到底鐵面無私一時豪猾斂迹人謂治石以恩水

也治務以成火也皆本經術爲治云又二年以循卓遷
安甯知州旋改遠州同知抑強扶弱課士愛民上官皆
寶祐之感慕都議在金華尤多善政時各郡士民交請
留治者以萬計益幾幾乎古循吏風焉辛酉年七十三
卒於官諱性孝友厚族黨置義出立規條以明道希文
自期曰復柳洲謨與有力屢校闈事薦士皆得人所著
有居易堂文集浙中新集二集文皆實政學士周長發
序其學有體用司寇劉公統勳曰處爲醇儒出爲循吏
余於袁梅谷見之梅谷謨別字學者稱梅谷先生云
歐陽放字卜一光長子性孝友寡言笑受學於劉克庵先
生之門爲文簡練有體年十六補弟子員旋登己卯鄉

薦雍正戊申授直隸懷來令政尚寬平以愛民訓士爲
本自奉儉約養廉外絲毫弗取時明倫堂圯枚捐俸重
修與諸生不時講學儒風以振邑罹水災給民籽種冬
則按口捐賑民以慈母呼之初邑西有古惠民渠旗民
構訟案塵莫決枚至不避豪強愷切敷陳請題開渠得
允溉田數千頃全活甚多懷邑路通三口差務旁午枚
晝應差事夜閱案牘嘗自言曰一息尚存此志不容少
懈卒於官士民建祠祀之

柯欽錦字毓菁號子亭性英敏沉毅家貧嗜學淹通經史
諸子百家言作文有奇氣甫冠由邑首食餼登乾隆辛
酉賢書試禮部入明通榜補景山官學教習期滿授福

建光澤令任三載勤於撫字補貲社穀創興書院勸士
民力學教行率多善政大吏知其賢調繁侯官省會衝
難案賡竭集抵任未踰年積案俱清上憲信任益專每
郡縣有疑獄悉以委之鮮不治者俸滿例陞同知撫軍
陳以廉能寬平保舉知府引

見記名候陞回任護海防糧廳事刻無甯晷積勞成疾
己卯四月病篤顧弟珊囑曰我居官兩地六年未嘗誣
一冤枉一法死可不恨但父年近七旬不能終事今復
不得面訣罪深重也閱日卒於官年三十有八至今閩
人誦思之

凌廣赤字表光號心培少穎異弱冠補諸生乾隆庚午仲

兄汝綿捷秋闈赤中副車旋中壬申 恩科舉人四赴
禮部試不第由大挑得山東朝城令會賊匪王倫滋事
大兵屯臨清時流亡載道各營汎恐賊雜其中不敢納
赤密爲防檢聽之過獲生者億萬人賊平以功晉萊州
守未詣任改授浙之金華其先世守誠公嘗守是邦邦
人聞而慶幸焉嗣以忤上官解任去明年見天子於武
英殿 上曰朕知爾老實人爾仍勉爲之授福建建甯
知府郡遇水災城未沒者三版民舍蕩然赤給費營建
且請蠲賑旋擢福建糧儲道郡士庶繪棠蔭圖送之未
幾臺灣亂中丞徐公督同藩臬同視海疆以公有居守
才奏請委任全省事是時公身佩數印裕如也後因屬

縣監犯逋匿部議降調內遷刑部主事歲庚戌恭選
高宗純皇帝八旬萬壽 恩賜與千叟宴優獎甚渥嘉慶
元年秋八月緣病請歸長子鳴盛授廣西藩司少參進
直隸霸州知州未赴任而卒公本王申 恩科舉人庚
午癸酉兩科例得重赴鹿鳴未達丙子春始恭請赴宴
詔允而七月戊午壽終享年九十

張光考字觀文號耿堂性孝友四歲失怙哀毀如成人事
母必得歡心每負粟十數里外易肉以供餐少從其長
兄繼考肄業與三兄耀考共一燈讀討論古今怡怡如
也以廩生中乾隆己卯副車庚辰舉於鄉辛卯選授龍
南縣教諭與縣令冷泮林倡修桃川書院訓課有方士

彭澤縣志

卷之十一

宦業

三

風日振在任十四年以母喪歸服闋歷署靖安泰和南
城新喻學事所至士子以文質者必爲之探討脉絡講
貫義理一如在桃川時壬子選授湖南永定知縣永定
舊屬大庸衛乾隆元年始改縣地僻民悍稱巖邑光考
長於吏治日決數獄無留牘乙卯逆苗滋事官兵由永
順進勦俱經永邑修理橋道給口糧難民來境者則捐
貲撫恤及辦運軍需火藥無稍誤會教匪蔓延南楚邑
東四十里平民爲所誘惑亦約期舉事時都司陸祖德
調赴鎮捍守兵少光考預佈偵卒盡得其滋事姓名遣
城內外紳士與有舊者先往安輯良善並令擒惡自効
潛帶兵役繼之以是悉就捕誅受僞劄者九名餘各配

遺有差自是永邑安堵次年罷歸優遊林下十餘年口
不言貧子錦枝官編修手書惟盡職業戒躁進每謂少
年浮露駕名爭進終非遠大之器丙寅得超擢中允信
允諳諳以感激圖報爲念著有識山堂詩古文制藝稿
十二卷

曾選遇字开庶號衢垣少有至性讀書作人皆凜庭訓幼
聰穎十歲能文出語輒驚其長老由府首拔入郡庠第
一戊子領經魁九赴春闈中間得而復失者不一次而
絕不以繁懷乾隆乙卯恭逢

恩挑列一等籤掣福建與季弟分發山東榮城令選達
同時出都臨別諳諳以勤政愛民致囑入閩署理清源

彭澤縣志

卷之十一

宦業

十四

及潭陽卽題建甯令自攝篆以來撫恤百姓獎進士類
聽獄無大小必再三詳慎務當其情人命重案尤悉心
研究不忍遽置之法且清白自勵俸養莫支諸父老月
送薪米以助其廉戊午科充秋闈同考試官精心校閱
聯捷南宮之曾暉春林朝陽皆閩省知名士是其首薦
也庚申秋七月蛟水衝城破壞民居數百戶遇一面上
聞迅發倉穀賑濟民命藉蘇者千餘人上憲亟嘉許之
癸亥春以病告歸其長子守一適陞安徽休甯令病中
猶取居官切要之端手編一帙幾千餘言以示里旋壽
終正寢享年七十

歐陽大勳字紀常號約齋捷癸卯鄉試乙卯分發山東署

海豐縣事挑修河壩夙夜在公勤勞頗著未至海豐時
邑有狼患又蝗食二麥勸抵任痛自刻責齋戒泣禱城
隍廟願以身易民害狼悉去蝗不爲災越一年授卽墨
令慎刑獄崇學校立孤貧院施給衣食每月朔望必聚
士民於忠孝祠告誡勸諭肫誠懇至墨之人樂而安之
如得慈父母三載謝病歸士民交請攀留者以萬計及
勳卒墨之人立祠祀之額曰遺愛聯曰三載仁恩流德
水萬年崇祀比桐鄉勳爲人嚴敬自持不苟言笑性儉
約雖在署中婦女不輟機杼子弟未有衣裘帛者以上舊志
劉種桃字萃餘號仙友少孤力學未冠入邑庠有文名善
書精隸篆嘉慶辛酉受知於吳鑑庵學士首選貢成均

彭澤縣志

卷之十一

宦業

五

壬戌

廷試以知縣用分發浙江署甯波府通判調

署慶元縣慶固山邑多逋賦桃設法清釐上裕 國帑
下不病民後之官慶者多取法焉旋代理永康篆爲政
亦如治慶時士民悅之明年署黃巖縣黃爲海濱劇邑
號難治俗刁悍每白晝聚掠名曰打竹杠大爲行李害
桃廉得其姓名繩以重法強暴斂迹先是繼桃任黃者
短庫帑委桃查勘補黃缺桃曰參其人而得其地君子
不爲卒爲回護後任得免揭撫軍愈重之補奉化令抵
任後興文教釐積弊政成民和百廢具舉居無何以他
邑事望吏議罷官家居三十年以壽終子法賢有傳見

文苑

方亨術號雲莊弱冠登賢書以文章名於時母憂奉入內
不茹葷酒廬墓以終其喪八次計偕始成進士令福建
閩清爲政有聲家常運費以自給其介如此三爲同考
官知名士多出其門著有尋樂堂文稿行世弟亨泰爲
名孝廉亦以文顯

凌鶴鳴字載萬號焜生一號于九性廉儉好讀書不事生
產幼失怙奉母訓甚謹登道光辛巳賢書丙戌成進士
歸部銓選家居十二年布衣疏食晏如也戊戌授湖南
安鄉縣知縣安邑素患水向奉禁不得築隄障公爲民
籲上游準築三分之一安民感之名其隄曰凌福坑時
有劇盜李十一者集黨羽踞湖中十餘年民商胥受害

彭澤縣志

卷之十一

宦業

六

公獲盜首七人而湖面肅明年署長沙同知又明年署
湘鄉篆未幾奉諱歸丁未起復揀發雲南地故苗獍雜
處號難治公初在師宗旋署雲州廣西州繼授大姚縣
恩威並用頑苗猾獠皆懾服後因年邁解組兩袖清風
賦歸田詩有云兒抱圖書女記詩蓋實錄也甲寅粵匪
猖獗家鄉被擾公作赤虬髯筆記以示慨丁巳夏蹂躪
尤甚長江水師宮保彭諭公督合邑團練公分爲七團
以靖安團爲合邑門戶稍疏則六團瓦解乃於瀟溪街
設局防堵尤嚴其時賊氛充斥邊卡警報日三四至公
竭力營救晝夜不遑安寢秋八月遂以積勞成疾而逝
享年七十有一

字伯鵬號樹人技貢炳馭之子性敏而強記志不
凡少壯攻文仿黃陶庵尤精楷法既登鄉薦成進士官福
運知府鄉闈兩次分房所薦卷少而取中獨多
以正其乞病歸宦囊蕭然主講五柳書院一年卒著有
詩讀我書齋詩集

張炳文號乙垣父沒三月始生長慷慨尚氣節學務根柢
爲文有國初風力家貧授經知名士多出其門四十領
鄉薦公車三上不第咸豐四年揀發安徽知縣時前任
江西巡撫張文毅公督辦安徽團練建閩徽郡檄調來
營委以軍務六年合建平是時粵逆蔓擾江南蕪湖一
帶悉賊藪總戎秦某戰東壩失利夜奔建平公謂秦某

彭澤縣志

卷之十一

宦業

七

曰建平爲皖省咽喉建平失皖南皆賊有公膺 朝廷
重寄忍令百萬生靈魚肉平言訖淚雨下秦感動引兵
鏖戰屢獲勝仗遂保縣城旋署歙縣歙多積案炳文至
卽理民咸悅之邑有花登蠱者諸無賴嘯聚賭博久爲
民害炳文潛領壯勇捕其魁誅二人宿害遂平上游甚
爲器重加同知銜復加知府銜未幾以病歸年六十卒

高

梯字良謨號雲浦秉資英特弱冠領鄉薦兩赴禮闈
未第值粵逆亂會辦邑團咸豐七年會侯相統兵下游
梯以彭澤等七縣團防形勝上書曾愛其才留勸設政
同治元年李伯相潛師赴滬約梯往辦各軍器仗遂復
蘇州降眾洶洶梯遣散難民萬五千餘人悉贊歸里老

幼男婦無歸者恤養之復於宜荆等處勸設粥廠全活
無算地瘠植骨立碑存記復濬蘇河克期告歲李知其
可大用命綜理水陸全軍營務處兼管收儲所及常鎮
勸農墾荒各事務以功保陞知府賞戴花翎四年代理
常州篆糾劾墨吏數人狡猾斂跡布衣草履問民疾苦
吏畏民懷常郡大治六年曾李兩節相舉江南四賢員
梯列清官第一以彭城當南北要衝奏授徐海道賞加
按察使銜官吏聞梯來相戒懼梯單騎赴任一切供帳
悉撤去邵宿間土匪猖獗隨時戡定擒其渠魁之獷悍
之風頓息當是時軍事旁午梯首興書院以作士氣教
紡績以課女紅偶見荒塚夾道捐資置義園徐民德之
彭澤縣志

卷之十一

宦業

六

梯每判軍帖及地方政務夜分方寢不合輒達旦不寐
疾作增劇猶抱文書不釋手家人強奪之乃已終以積
勞成疾卒於官時庚午二月年四十有一馬制軍李伯
相台疏奏梯貞介拔俗刻苦耐勞不遺餘力真能視
國事如家事章入蒙 恩追贈光祿寺卿入祀徐州昭
忠祠長子善承蔭州判次善繼幼善述俱邑庠梯著有
心傳摘要梓行

武功

歐陽瑤字中黃號鎮垣由武生効力補南湖營外委署理
本縣城守事嘉慶元年教匪滋擾四月派調帶兵湖北
攻當陽縣東門身受火傷不退賊以鐵鉤搗之幾被斃

密揮劍斬賊手奪其矛六月圍勦南門擒匪目席雲豐等身被石傷給千總頂戴七月圍勦西門擒匪目陳大本加守備頂戴當陽平議敘軍功加二級護理荊州營參將印務嘉慶二年攻長陽縣宗堡寨擒匪目覃加耀進勦川陝賊匪窮追千餘里嘉慶三年雲南提督文拔為翼長帶領河南安徽湖北江西兵勇追勦湖北興山鄭襄一帶賊匪沿途接仗疊受重傷積勞成疾回籍調養適甯州匪徒滋事檄調赴省借補奉新城守奉為甯瑞要衝竭力防禦賊不敢入境差務絡繹毫無貽誤嘉慶九年奉

旨補賞一等醫藥銀兩瑤戰守二十年屢著勞績卒以疾終末竟其志

忠烈

宋

顏希孔任本縣主簿德祐間元師陷安慶進薄江州希孔率民兵八百人大聚舟楫各載巨石接戰江中飛石四擊鼓譟競進敵幾敗已而石盡力屈被執死之民求其尸葬於鳳凰山麓祀名宦

元

劉受二五柳鄉人至正間以貢任池州府推官張士誠倡亂受二領兵禦於城西渡口敗績眾皆逃受二還城死守城陷不屈死之

彭澤縣志

卷之十一

武功

忠烈

十九

明

歐陽尚八翁誠之弟也從征友諱奮勇直前遇害喪元猶乘馬馳走如生至家乃墮祀鄉賢 通志

王廷翰勇敢善射正德己卯逆濠之亂遊兵劫境翰率子弟鄉兵奮前擊賊連獲二人矢盡力窮為賊所害 通志

洪維幹字楨南號元礪萬曆甲午舉人任四川梓潼知縣時奢台為亂幹誓死守遣眷先歸募兵乘城叛戍陳大

義等為內應城遂陷縛幹說降不屈賊斬兩僕以懼之幹不為怵惟求坐正堂而死賊許之幹乃衣冠北面再

拜賦忠字詩九首有呼顙知難通帝座魂飛萬里只孤忠之句遂遇害事聞勅贈尚寶寺正卿蔭襲嫡子九江

彭澤縣志

卷之十一

忠烈

三

衛千戶祀鄉賢著有春秋倫訓行世 通志

國朝

宋衡若宋六習十二都鄉勇也康熙十三年十月土寇陷

湖口及彭澤縣令喻良知力不支攜印衝城而出城遂不守寇大肆焚殺四出劫掠至亂石灣口本寨鄉勇合

力競奮橫截賊路格殺數寇衡若六習二人爭先格鬪眾寡不敵遂被殺事聞本府嘉其義勇檄喻良優恤其

家

劉鎮寶字楚善號恕齋給諫堂三子少讀書十行並下

經史素以忠貞自矢堂在軍寨鎮寶隨焉雍正三年詔歸五年由舉人試中翰

世宗問其父堂家居狀鎮寶對稱

曰

上謂鎮寶明白精采特簡雲南知縣鎮寶請假省親許之至七年抵滇時相國鄂公總制滇黔廉其才委以鎮雄州丈壘期月報最鄂尤重之 題授烏蒙通判分駐大關鎮事兼守合鎮寶撫循苗疆勤慎有法不二年而邊政肅清建城設堡民歌頌焉八年秋逆蠻寇烏蒙蒙距大關頗遠鎮寶在滇省聞變鄂公以其有邊才使馳烏蒙調度鎮寶星夜馳數百里及至城下賊氛大熾招撫勸諭皆不聽遂旨矢石入城與都司劉崑守備馬秉倫知縣賽枝大等悉力禦敵崑等陣亡鎮寶猶率家僕

彭澤縣志

卷之十一

忠烈

三

劉陞陳紹與賊巷戰殺賊無算至力盡馬賊不絕口遂遇害大兵平烏蒙始獲其屍於城北隅已暴露十餘晝夜殮之面色如生事聞

天子追悼贈雲南按察司僉事遣官致祭崇祀忠義祠賜全葬知縣何炳奎爲誌墓表道鎮寶殉難年三十七有 御製祭文

注 銓字熙載號立齋守備琮之子少英敏隨任漢江知忠孝大節援例授府參軍籤掣秦省歷署縣尉州佐上憲重之乾隆甲寅冬補漢中經歷明年春委署褒城令褒小而衝素稱難治從容布置不踰年而事理民安復委兼攝沔篆往來兩邑之間多善政每念褒邑土城難

備不虞遂捐廉築建并修黌序暨文昌閣魁星樓又以
城苦缺水於署西相地鑿井得甘泉民卒賴焉時教匪
滋擾羽檄紛馳軍火儲精轉輸絡繹絲毫無累民間丁
已夏賊攻褒日夜率士民登陴守望誓於眾曰城亡與
亡宰之責也第何以保我民百姓皆感泣乃募壯勇增
軍械挖濠濬渠戒嚴以待賊直犯城下見有備而退是
秋賊破留壩司馬齊公司獄黃公遇害聞信馳往殯成
禮並收同知印篆撫軍永保亟嘉之卽委護留壩事制
府松筠至留謁見時力陳棧內官民疾苦爰設法調劑
是冬奏請實授褒城令制府長齡以軍糧孔急檄調從
戎司一切度支出入十月賊擾鳳翔各邑制府督師瑒

勦四路供運無缺因 題擢留壩同知辛酉三月運餉
楊鎮營遇賊於城固之大壩力戰身受矛傷十六處罵
不絕口遂遇害時年三十有五撫軍陸有仁以事聞

恩旨悼贈知府照例議恤給雲騎尉襲次完時

恩騎尉世襲罔替祀名宦忠義鄉賢各祠 以上舊志

汪國泰字履成佐卿其號幼倜儻不屑理生產道光間授
九江水師營由額外補鄱湖營外委旋署姑塘千總咸
豐四年粵逆犯省垣泰仗劍赴援報奮勇守省城賊不
敢逼竄外郡泰隨營追勦至武甯王家店每戰必先殺
賊無算賊負隅不出泰請於主將領本哨兵破賊賊方
列陣泰衝入大呼殺賊馬蹴塵起賊皆辟易斬數賊首

在於腹乘勢又擒一賊賊奔追至隘深入被圍自午至申救莫至麾下兵且盡遂被擒賊愛其勇欲降之泰怒罵不絕口賊恨甚釘手足於版礫之事聞 卹龔如劄子文亮襲世職現投撫標報效

凌註經字序璵號陳五進士鶴鳴胞姪也入歲能文年甫冠補弟子員時粵匪東踞經欲仗劍從軍以親老不果行歲丁巳賊猖獗經患之急商同志舉團練而諸同志皆以九江未復懼後患意未決經曰不然我

國家仁澤洽於民人心厭亂久矣何懼爲同志皆感奮八月十八日集健勇數千人夜三鼓圍賊於九都之橋亭殺二百餘經乘勝立圍局於柳墅各要害遴勇以死守

彭澤縣志

卷之十一

忠烈

三

當是時縣境未復四面皆賊經以一隅捍巨寇人多壯之而賊報復之心終未釋也九月賊由建邑官營窺九都嵐陵寨我勇擊退之十月初八日賊復聚由邱家壠石灰嶺小浩等梅嶺等處來犯我勇又擊走之由是賊恨甚十月十七日皖省大股賊數萬突至經調練勇守各隘身率六百人戰於澌村三日夜弗懈殺賊數十人賊渠一名奪大旗十餘面澌村固山河我勇藉河而守二十一日賊從下游渡抄我勇後腹背受敵經知勢不濟振臂大呼曰殺殺身先陷陣麾下隨之者尙四十人後賊益眾經中礮死餘勇皆殉是時義聲震當路彭侍郎曾爵相以經忠勇奏 恩贈府經歷銜賜三代雲騎

尉世襲 恩騎尉

陳東壁家貧負奇氣咸豐三年本都起團抗賊戰必先得六品軍功丁巳秋僞指揮楊賊過境壁走召征豪等團襲賊之於法通寺斬讖百四十活埋二賊婦楊盡棄所有遁恨壁入骨會官軍復彭澤小孤賴賊奔建德楊投之收集散亡得三萬眾十月三日復來寺前李村修舊怨鄉團勢單戰不利隊長李寵之突陣被擒楊見其矯健疑爲壁李不辨而罵賊竟支解之時壁實從大軍收復景鎮殺賊陣亡咸豐十一年彙奏請照四品以下陣亡例 卹蔭如所請

陶占魁字汝梅少孤貧有大志道光季年入本郡營伍咸

彭澤縣志

卷之十一

忠烈

五

豐初粵匪犯湖南魁隨營進勦以戰功保七品銜五年入曾爵相營充戈什哈補小孤汎外委旋擢右哨把總七年報奮勇隨李總戎勦賊撫州連獲大勝殺賊無算生擒賊魁數人賊夜襲我師魁開壁力戰賊敗退追至河防村墮賊伏衝突不出遂被殺援師至奪尸歸斬所獲賊渠首以祭焉事聞祀昭忠祠子兆元襲雲騎尉世職

彭振達字羽儀性慷慨遇事敢爲咸豐五年二十都倡辦鄉團振達任團總時小孤爲賊巢游賊四出脅民從逆十月犯彭建交界之青山橋離團寨僅五里達與族弟舉人振瀾議曰賊輕我鄉團新起不先聲奪之恐難自

立夜信城山營約他寨並起黎明與賊遇鄉民素未經戰勢稍却振遠聲言官兵大至號召他團分兩路迎賊賊潰遁殺數十人獲器械甚眾鄉團之聲大振明年破縣城摩小孤山達皆與焉未幾撫建告警蘇官城山等營皆撤鄉團勢遂孤然賊入村肆擾達必計殺之有僞傳臚僞指揮率數十人過境勢張甚達夜殲之時畢都戎在鄱聞之嘆曰此皆賊魁也省官兵力多矣七年官兵復縣城合邑起鄉兵仍以達總二十都團務八年五月偵知賊撲卡初四日達檄他團未至夜四漏率本團禦於歐陽嶺賊至見人少攻愈急鄉勇將掖達退不從曰吾固知事不遂遽退若七寨生靈何惟一死以謝彘

梓耳力戰被執刳其尸時五月五日也事聞 卹襲如例

陳炳章字朝聘號縉卿偉軀幹警敏饒膽氣善醫續筋整骨效如神尤精鎗礮少時蠡湖遭風孤舟暮泊有小船十數蘆中來漸環集蠡湖故多盜同舟皆自危章從容取火鎗僞與客侶賭戲指擊空中雁波間鷗鳥應聲悉中盜黨咋舌相引去粵匪陷縣治同兄炳南練豪團勇聯絡都鄱與城山營相犄角賊相戒不敢犯一方賴之七年彭宮保帥水師復湖彭札委歐凌二進士暨炳南督通邑團章爲豪團總堵勦協宜旋從收建城復景鎮殺功保縣主簿辛酉夏建鄱潰防髮逆入犯章鵬勦之

前後殺賊魁數十五月朔賊積忿悉銳數萬撲卡章部
署都邑勇由右紮竹嶺征團勇由左紮光霜嶺本團出
中路趨銀坑嶺自領前鋒破敵從卯至未連勝四仗追
北二十餘里右翼勇飢先退賊因以千人由竹嶺抄我
後章親爲殿且戰且走族姪大文戰死章回救失足跌
落山塢遂被執賊帥搜章身得名片及黠勇單咤曰若
非豪團帥耶以若材武肯從我誓共富貴章張目不答
索酒飲盡高歌賊知不可屈擯刺死時年三十五同治
元年曾相彭帥奏請追 贈鹽運司經歷 卹蔭如例
章無子嗣孫星海襲職

歐陽靜字春蘭仁山其號少聰敏讀書知大義嘗曰大丈夫

彭澤縣志

卷之十一

忠烈

美

夫當志其大且遠者因棄而就武生平喜濟人急道光
間應試歸過湖口旅次聞哭聲問之乃因貧鬻妻者靜
囊空只一裘售十金贈之夫感其義謀乃寢咸豐五年
倡團練謀襲賊城者再曾爵相彭部堂皆器之論功保
把總己未充武孝廉庚申冬賊竄二十都之八房將逼
二十五都靜夜走數十里督勇百餘人戰於谷子山賊
稍却時雪霽泥湓馬不得進賊潛尾其後遂陷陣死事

聞 賜卹 予世襲

洪兆虎字茂卿號嘯山趨捷有智略少應武童試詣舅借
資斧未曙倚門假卧舅夢虎蹲於戶驚晤異而贈之遂
易今名入武庠旋投九江伍咸豐初以病假歸時粵逆

擾江皖縣城陷虎憤甚隨城山營勦賊兩襲縣城虎皆
與焉無何城山營撤虎徒步謁江軍劉方伯於潯命將
一營虎善訓練得士心戰輒勝七年克景鎮復饒州諸
邑論功擢守備加都司銜 賞戴花翎十一年賊犯撫
州江軍進勦虎爲前鋒連獲勝仗斬馘無算六月初八
日勦賊金谿擒其渠逖北七十里賊奔竄五里亭虎尾
襲之地險界兩山樹木環路馬不得進莽中伏突起遂
遇害沈中丞上其事 卹襲如所請子錫恩現投撫標
學習其英爽綽有父風云

袁發魁字如竹號筠生幼沉篤不妄言笑弱冠入武庠咸
豐七年合邑起鄉兵禦賊以魁英特舉二坊團總九年

彭澤縣志

卷之十一

忠烈

七

議敍營千總同治二年賊復犯縣境各鄉團屢敗四鄉
多賊踞縣令趙宗耀急募練勇任魁以守城事當是時
各鄉避賊來者日以萬計皆恃魁無恐而魁率數百孱
卒以一隅捍大局城之獲全魁有力焉四月十七賊悉
眾來犯魁禦於城南計家橋時夏漲橋沒汎濫如小川
魁倚水爲陣賊撲犯我軍悉殲之相持至日哺賊偵無
伏潛遣馬隊抄其後遂被執誘之降不屈賊怒裂其屍
時年三十九事聞 卹襲如例

朱詠香字佩鑒號詠齋年三十補弟子員咸豐七年官軍
復縣城合邑練勇禦賊香爲九都團總九都路通微饒
爲合邑門戶時沿江逃散餘匪多嘯聚於鄱建伺我邊

邱各卡守禦無虞日惟九都賊不敢深入八年隨官軍
克景鎮復浮梁建德兩城敘功保府經歷 賞藍翎同
治二年股賊上竄香隨官軍進剿於饒州之崇光渡力
戰身死沈中丞上其事 邱襲如例

歐陽開第號蓉泉邑增生同治二年館孝廉張恂家時賊
犯九都之南鄙第聞警促嵐陵起鄉團禦賊自領隊督
戰不利越山谷召他團為外援途遇賊伏脅之去不從
罵曰吾恨不能礮汝肯從汝作賊耶甘死於此欲強移
寸步不能也目視賊欲裂賊怒殺之母氏劉亦於是日
在家遇害事聞 恩予三代雲騎尉世職

彭澤縣志

卷之十一

忠烈 殉難

三

附

殉難

周紫暉 咸豐七年冬白茅 緜有能 征賊有功保舉五品

洪立寅 從九同治二年禦賊 歐陽恆 庠生同治二年禦賊

譚琢之 同治癸亥夏遇賊於 劉美鰲 生員同治三年禦賊

洪培愿 生員同治二年禦賊 甘元音 例貢生咸豐十年冬

鄭隆高 從九同治二年三月 僧靜台 戰漸村奪賊馬死

彭伯高 七年臘月為平江營 曾騰飛 六品軍功同治二年

彭鼎新 文生同治二年禦賊 曹恩渥 周姪炯入營辦事賊

詹文彩 弟隨曹炯辦事賊夜 徐馨蕙 周長禦賊於樂觀坂

製曹宅逃及詹彩死 彭時殊 手書招其子不應自經

馮國重

汪續城

楊林蔚

袁發魁

韓甲喜

凌炳就

劉欽主

曾通品

凌繼晷

周瑞珍

邱兆達

彭澤縣志

邱思之

曹彩章

宋迪彝

陳介繁

汪云謀

甘甲第

甘新春

宋宗文

宋光孝

程其香

童春茂

曹發中

程燮元

僧悟禪

韓和義

王能容

陳雲峯

何善和

凌一鳴

凌悅智

劉正義

邱鵬翔

邱克振

邱克家

王美建

宋麟趾

張冠常

甘夏林

甘超遠

宋應時

黃文鳳

歐玉林

張春容

丁添德

監生

六品

文生

恩

沈秋望

陳裕美

邱以健

凌表東

凌孟勳

宋永高

邱能增

黃蒼然

曹成章

宋能拔

曾雙貴

張見賢

甘錫球

宋志賢

曾六典

歐孔巖

程發春

曾品之

樂賊於冷水堰斃二

賊追至樂官坂陣亡

生員辦團出力不屈

於賊三矛洞其喉死

貞如寺住持賊欲毀

寺持矛逐賊被刺死

與賊戰死

韓永祥

皆從

凌註經

從註

饒士英

陣亡

陣亡

陣亡

陣亡

陣亡

陣亡

陣亡

陣亡

陣亡

陣亡

陣亡

卷之十一

殉難

五

王正茂

張翠喜

沈桂生

沈維新

施運舟

程金唐

葉家仁

丁會通

汪培廣

凌彩雲

凌悅來

凌遠叔

凌美祿

凌壽南

凌杏林

凌羣攀

凌惟厚

凌煥六

凌有樂

凌柏喜

凌了魁

凌桂老

凌員喜

凌滿老

凌品節

凌胡貴

計騰雲

張六女

張如仁

張華枝

計美寵

施巧福

胡樹臺

汪坐平

馮甘保

馮義保

曹隆遠

凌新友

馮則寬

施桂枝

凌煥遠

以上皆鄉團於同治間陣亡俱祀教忠祠

朱詠香

職生有傳

丁甲春

陣亡

彭澤縣志

卷之十一

狗雞

三

歐開第 增生有傳

馮正義

嶺嶺陣亡

計基林

計玉珍

施克恕

沈榮桂

皆灰窰嶺被殺

計春生

夏望澤

皆袁家山陣亡

朱向春

團長守卡被殺

朱其發

灰窰嶺被殺

朱心悅

丁初福

周慶豐

皆灰窰嶺陣亡

曾騰瑞

被賊擄死

張配華

周廣耀

程文明

皆漸村陣亡

張愷

監生守卡被殺

程明桃

漸村陣亡

宋聯雲

墮襲賊死

饒旭

監生郭家橋死

龔炳瑞

饒蘭惠

饒香瑞

皆從旭死

宋有望

張廷英

宋富保

張廷昇

張樂記

俱港下山陣亡

宋光耀

宋元亨

宋朝棟

宋廣珠

宋光明

俱蔣家山陣亡

王為愛

王為凡

王初佑

宋和生

宋蘭芳

宋四德

宋茂節

俱苦栗村陣亡

宋廉善

文童漢瑞村死

宋宜常

何灣被殺

劉煥采

禦賊被殺

何勳周

丁茂松

甘喜年

洪高學

宋繼蘭

曾鴻鈺

陳超凡

汪用才

方慶元

俱白茅岡陣亡

彭榮桃

上彭陣亡

陳監周

彭榮三

皆陣亡

李寵之

事見陳東壁傳

陳再文

歐陽永泰

從寵之死

李冬得

蕭家嶺死

陳官佩

太平橋陣亡

陳東璧

軍功有傳

柯如道

七年陣亡

何玉輝

陳燦明

汪廣和

曹火生

方燦東

柯魁顯

俱守卡陣亡

彭孔彰

彭均樂

彭振達

從几有傳

彭攸樂

彭澤均

彭昭貴

彭德昌

宗象海

李周南

柯運昌

柯玉竹

柯灶喜

彭紀生

柯申錫

柯友初

柯鳴玉

俱歐陽嶺陣亡

陳炳章

有傳

陳大文

軍功陣亡

宗郁文

許灣戰死

彭澤縣志

卷之十一

殉難

三

傅正曜

王樂老

俱守卡陣亡

嚴立高

李以忠

汪啓琨

鄭五香

彭亮生

李春香

俱守卡死

張春生

馮經榮

張大願

張瑞武

童啓明

俱破縣城戰死

吳立功

譚功安

喬以德

俱湖邑死

歐泗水

朱騰綿

曹奇瑞

俱陣亡

汪盡善

汪觀蓮

陳啓謀

俱樂官坂陣亡

汪有元

守卡被殺

歐陽靜

武舉有傳

陳惟悠

被賊執火其尸

馮元顯

歐儀鳳

入品軍功

孫能安

歐顯昆

歐源昆

陳雲岫

陳爲高

張協和

張連如

張騰盛

童鳴鳳

童凌霄

童昆光

童新銘

盛天成

盛南松

歐雲梯

歐萬遠

歐鳳展

盛行有俱李芳滋郡庠生段思孝殺賊身死彭紹恂
方成敏彭紹渥入年彭紹渥入年汗樂喜高江甯昭忠祠

附

遇難

歐羣泰監生汪飛鵬武生陳開南八品頂戴劉煥耀監生

歐炳所儒士何一鳴生員歐薰和誥職張星煌武舉

何馨監生王鳳喈生員彭海珠貢例石耀崑文童

劉象藻生員歐葆真邑庠生歐敘典歐項燦鄉賓

李咸章登仕郎歐其中歐汪廷颺監生周華泰八品頂戴

歐能信歐張鳳翥監生劉鍾英儒士歐天章歐

張懌監生陳和羹八品歐備美歐張若濟監生

彭澤縣志

卷之十一

遇難

三

陳慕南監生柯維哲監生張樹暄監生劉贊蓮儒士田錦張

張松茂監生劉道南文童劉法清文童曾凌漢文童游能敬監生

田光前監生曾樹炳監生陳國發監生田厥良鄉賓朱新棟鄉賓

魏鑑箴監生田相呈監生項國琛生員丁達德儒士田南斗

田騰耀監生劉萬焯監生葉上林監生李和尚監生周禮門

田翔雲監生鄔美常監生黃翠羣監生葉榮耀監生江蓮三

田清華監生劉萬鍾監生劉法堂監生宋有光監生汪登榮

田善謀監生汪貴生監生劉一紅監生宋映霖監生汪博九

田易得監生張金玉監生劉發旺監生王春榮監生鄭鴻恩

田耕餘監生馮際康監生劉可行監生凌壽儲監生鄭鴻儀

汪照韓監生汪恩正監生劉順行監生方觀宸監生宋開甲

汪永茂 汪啓宇 劉春旺 方學遠 胡大經

汪賢哲 汪廣發 高芳玉 方得珍 傅能材

汪朝翰 汪慕郊 高志育 方黃珍 王鎮北

汪崇信 汪宗美 高定波 方長貴 謝正興

汪景舉 汪名照 項濯之 陳黑保 劉星煌

汪進之 汪友秀 項子良 陳若琳 劉時可

汪榮魁 汪明善 馮得喜 陳瑤枝 李懋賞

汪國器 汪宜榮 馮可樂 陳青枝 李象明

汪善發 方感恩 王龍文 陳遠善 石滿喜

汪和鳴 方綿恩 曹傳之 陳平貴 彭林月

汪玉廷 陳慶昇 黃金斗 馮時省 彭更有

汪正大 陳紹興 朱清一 馮能三 彭宜茂

汪懷刑 陳玉山 吳秋樂 周流沔 彭得之

汪悅蓮 王積善 徐從達 陳明順 汪東美

汪清蓮 王彬福 汪榮瑞 嚴惕勤 汪仁本

汪俊傑 王慎義 汪楚迭 周杜春 汪自先

汪蘭琦 王珍福 汪宗翰 李茂發 汪明文

汪翠賢 王永明 汪雙福 傅玉衡 汪美先

汪遇貞 汪達節 汪士傑 劉鳳祥 汪煜景

汪心畝 汪春第 汪有才 游漢江 劉立本

汪豐年 汪門生 汪展綸 陳雪之 劉福之

汪煌輝 汪輝光 汪福壽 陳朝青 劉福易

汪瑞麟 汪蘭興 汪超羣 陳魁武 易映輝

汪光元 汪召景 汪輝禮 陳仙琪 曾庚吉

汪春輝 汪有節 汪暢茂 汪廷堯 魏重翰

汪玉峰 曹時省 余懷亮 余榮高 王燦美

陳國豐 陳大有 黃煥文

孝友

李時建安鄉人冬月母病思得魚羹時攜釜求諸港終日弗得伏地痛哭俄有老叟問之告以故曰傷哉貧也乃導之一港使舉釜遂得鯉歸作羹奉母病即痊今名其港曰母鯉港至正壬戌詔旌表其門

黃 貴字天錫號曉厓由貢監任徽州黟縣丞少居父喪

彭澤縣志 卷之十一 遇難 孝友 三

鄰家失火延燒將及貴一無所顧惟撫棺號慟哭聲動地眾憐而輦之火尋滅

明

陶 榮字貴顯厚重簡默事親至孝親疾必親理湯藥四時新味親未嘗不敢嘗親喪哀毀泣血及葬廬墓三年不脫哀經居繼母祖母喪孝誠無間以醫名世壽六十七終

劉仕論字維時嗜學恬退父疾晝侍湯藥夜清枕席奉繼母章氏無間言章前夫之子竊金家人言之論若弗聞曰失母懽心得金何益耄年扶杖登邱壟猶潛然泣下死之夕懽然曰今得侍父母地下矣其孝心純篤如此

主守中字一道號繼存割股愈父疾母喪廬墓三年朝夕
奠祭如生逆濠之變縣不守守中椎牛醢酒斂眾殺賊
擒二渠魁餘分竄鄉人賴以安有友諶某者二子皆不
肖一日攜千金投中曰唯子可托故相累以養哀年有
餘子自取之諶歸忽暴卒二子方爭不已中聞卽負金
還之二子感嘆爲改行生平潛修不求人知別號不欺
以白勵云祀鄉賢

周禮讓邑庠生字我華幼孤事母至孝年七十常作兒舞
以娛親口不言老閭邑公舉其孝屢與鄉飲歲祿捐廩
賑乏稱貸者輒焚其券有鬻妻者代贖之其孝義至今
膾炙人口子孫世居城內代有科甲皆以爲盛德之報

彭澤縣志

卷之十一

孝友

五

云

劉克仁字本心早失母事父善色養執喪如禮結廬墓左
朱草生羣鳥集中丞朱公廷聲奇其事撰至愛說遺之
仲子鑲亦以父之事祖者事父人謂劉氏世孝

畢 泰號舒庵性篤孝壹志溫清不求聞達父卒朝夕哭
踊幾至喪明母喪廬墓虎至不懼歲祿收養族人之乏
食者壯未受室貧不能讀書者皆攸助焉

國朝

周易元字長文號髻岑登甲午賢書學正守嚴性尤篤孝
早失怙泣血廬墓邑令董襄以其孝聞司理胡公宗虞
旌其廬曰閔曾匹亞後仕宜春教諭

時道明府廩生性至孝舌耕養親因父食茄致疾泣墓二年終身不復茹茄母病衣不解帶者七晝夜初聘殷氏女未嫁得痢疾殷欲易婚道明不允至殷死乃娶館宿松拒私奔女有貸以資者聞嚮婦卽焚其券更贈以金縣令董襄以孝義旌其門

沈壽兒凌伯權妻之前子也八歲看演葵花記感割股事越二月母病壽兒禱於天效其狀密割臂煎以奉母次日創甚不能起繼父問之給曰臂患癰欲視則堅覆被臥少間再問則曰痊矣忍痛侍母如常時明年夏脫衣見癰母大驚壽兒佯以卽前病癰處母熟視泣曰得毋吾病時割股耶凌曰若赤子何曉此壽兒不得已以實

彭澤縣志

卷之十一

孝友

三

對嗚呼八齡孺子尙知割股以療其親爲成人者當若何情乎當日之旌表弗及也

陳以恩陳其位子也嘗割股以療父疾後其子生員陳復亦割股愈親病孝子生孝子可以徵天道焉

汪懋映縣令董襄舉其孝司理胡公旌之

曾立羣字宗乾康熙癸巳恩科舉人三載失怙事母計氏以孝聞庚寅赴考道聞母喪跣足匍匐走十餘里號哭不絕聲抵家水漿不入口者三日母葬居廬三載與兄立用食必共席兄或外出晚歸必迎至中途孝友之風至今感嘆

何邦準字聖音幼失怙母教之學卽知自勉長補邑諸生

一日母頸患毒鍼藥莫施準口吮膿血五日而愈及母卒茹素三年生平仗義有肝膽時邑有里役遞年諸弊準力請革除至今稱便又有同里某貧極尙累虛糧三石比追幾斃準憐其無辜爲過請前買主攤除若干餘悉代賠其好義又如此

計大衍字易象天性純孝竭力事親養不缺勞不怨身抱病猶扶杖詣寢門問視臨終囑子婦曰爾善事祖母吾得瞑目矣弟兄四貽置田產但收荒蕪人稱薛包之亞葉本和字次惠事母氏周極孝養母年六十九病幾危和夜禱請以身代割股和藥母飲得愈及母卒廬墓三年後其子宗權母病時亦有嘗糞割股之事人推肖子

彭澤縣志

卷之十一

孝友

三

計必達字又逢庠生天性孝友母病侍湯藥衣不解帶兄死鬻產以殯又分資給寡嫂有古人風

曾宏建字象文幼失怙家極貧事母孝忍飢寒以奉甘旨及母卒哀慟久而弗懈死時囑子曰吾母備嘗艱辛未獲厚葬今家雖少裕爾等當以吾之葬父母者葬吾慎勿從厚彌留之際猶惓惓不忘如此

凌志慧性孝事親色養不息子欽拱克承父德侍疾居廬無所修飾縣令劉進贈以一門雙孝匾額

易宏觀字飈生歲貢生性孝年十三父沒哀毀母立母患痰疾觀口吸代吐母卒葬荒郊觀結廬墓側鄉黨稱之畢增輝字襄庭邑增生性篤孝以訓蒙養親雖貧甘旨必

備及親沒執喪三年哀如孺子每逢忌辰必備酒果以奠丁巳元日母柩火延輝拚力護救抱棺而死聞者傷之

丁 蓮字茂寵家貧爲諸生不屑屑於科舉之學以行己敦倫爲本嘗讀詩至相在爾室躍然起曰聖賢提耳之教莫著於此門堂戶牖皆以四字銘之自少以孝聞鄉里父沒居止常依其母後館於姻舍聞母至軒渠提舞如嬰兒母去卹卹若有所遺居喪處墓側晝夜攀樹而號逾月毀沒知與不知皆哀之

時 至字建五邑庠生家世業儒父早沒每讀父書必涕泣母老多疾侍湯藥衣不解帶倦則倚床而嗅母憐之

彭澤縣志

卷之十一

孝友

三

曰兒不堪矣復改容承之母故廬墓三年以哀毀致疾臨終以父手輯先儒格言付子其終身思親如此

饒卯君農人也母病痿痺涕洟交流每食卯君以身掖母卽與其器而食見者輒唾安之弗覺也如是者二十七年及母死每過墓必泣徘徊依戀如孺子焉其孝得諸天性者如此

朱允侶九都人幼失怙與母相倚母病篤允侶祝天割股和藥以進病得痊居常晨昏定省靡不曲盡母沒數十載一日夢母曰吾兒歸矣旋發瘰癧痕而死享年八十

汪 鵬字敦誠邑庠生生母早喪時切思慕或言及輒潸然淚下父病竭力延醫不以貧少懈居喪三年常如新

喪之日事繼母得歡心臨沒出館賞囑妻子曰留此以養吾母

周汝金性孝幼喪父哀毀幾不起母病癰二載金口吮膿血母死哀毀亦如喪父斷暈茹素者五年鄉人稱之

歐陽賞字紹師邑庠生性孝友勇於學弱冠能文章有聲庠序母程治家嚴肅年九十餘孫曾數十人或少失母意必呼而撻其所尊賞時年幾七十常跪而授杖於庭杖重則喜杖輕則憂或不杖必下氣怡色柔聲母俟怒釋呼起然後去故其孝行尤爲宗族鄉黨所稱

高雯字昇遠別字弁亭邑增生少喪母每忌辰輒齋沐焚香朔望必肅衣冠問安於父榻兄弟同居最爲友愛

彭澤縣志

卷之十一 孝友

三

二弟故子甫六齡幼弟繼亡遺腹生子雙撫養教誨不異己子幼穎異過目輒不忘邑侯李松泰取以冠學每試文出人咸誦之旣而屢困秋闈遂絕意進取作家聯云持已遵三畏存心凜四知可想見梗概卒年八十有六以上舊志

畢義桂農人也性至孝甘旨奉母兄弟五人遵母教敦齒讓每食坐弟不先兄嘗助親弟芬薪水俾讀書有成母年九十二病沒桂年六十三殯殮盡禮葬宅後馬當山麓親負土成墳結廬墓側旦夕哀號不茹葷不薙髮不脫齊哀厯試風雷虎豹狐鬼諸艱焚香祝天曰無驚吾母人饋以金不受饋菓飯供母後仍還之山徑險阻其

子曰送水米雨雪無愆期遂成大路三年期滿始撒席
知縣譚瑞雲詳請 旌表

曾德裕十二都農人足未履學塾而性極孝事承祧母如
親生母病癰瘋舉動須提挈裕服侍不離左右又患病
疾裕夫婦更換浣洗無難色母沒悲號泣血水漿不入口者屢日塋後依依墓側如孺慕然自是長齋茹素每
有所往必繞道至墓告曰兒今某適反亦如之終身不
輟生平坦直無隱事而舉止從容語言温和有士大夫
所不逮者安得以不學少之

歐陽現字恆謙號蜀峰國子監學正鏊之仲子幼聰慧力
學性孝友年二十三遭母喪哀毀致嘔血鏊慰之曰兒

彭澤縣志

卷之十一

孝友

學

甯不知有父乎不能稍自強以無重傷乃父心乎則泣
日兒亦知之顧心痛不可忍語未畢益號慟血淚交下
如是者屢慰不少解逾年卒論者謂現以哭泣隕天年
未足言孝不知子執親喪號泣擗踊有不知其然而然
者此孟子所謂性善也若現者其亦是志矣

高良璧字榮伯別字韻珊道光乙未孝廉幼失恃事繼母
以孝聞家貧母勞以操作竭力供命不懈於學年十八
入泮無立錫地資館穀以供菽水務得父母歡家庭中
無間言

艾黑子年十五家貧性孝母早喪同治二年父爲恂臥病
不起時賊蜂至聞者號竄黑獨侍父不忍離有勸之是

者曰吾若走其如父何忍獨生耶賊入索得之欲攜之去不從遂怒斷其脰父亦旋沒

朱松翹事母孝母晚病癱瘓十餘年行起坐臥必親抱負飲食沐浴必親供奉終身不忘

汪春霆字方舟太學生事父母以孝聞父病割股和藥以進病立愈母病又如之凡有憂忿至父母前卽心平氣和鄉人至今稱焉

劉法良邑文生天性誠篤父杏園館省垣抱病良聞信奔視病幾革良急禱神前啣石僭煎湯以進父病少痊卽歸三日卒其父不沒於路者益良孝有以感之云

義士

彭澤縣志

卷之十一

孝友義士

聖

明

段堯服邑庠生娶汪氏善事舅姑堯服視耕江北歲一還家賴汪以紓內顧已而汪卒堯服年尙壯感其孝不再娶崇禎戊寅督學侯公按試學舉堯服義夫發落諸生侯公極加獎賞且歎義夫最難云

歐陽舒號龍橋性溫厚有行誼歲捐租給貧宗族有難婚配者各資聘金並無德色

何彥彰字景光慷慨識大義河泊所舊有逆沙夾額外魚課河水漲涸靡常而鈔課征求足額民甚苦之彥彰獨毅然上請宣廟詔免其租人恒德之

劉世揚字汝登敦孝尙義患邑戶多虛糧逋賦日衆嘉靖

四十二年詠當道舉丈量賦役得均民賴以安

計 璜字君錫剛直敢言請免縣前洲課除解竹木諸費
軍人懷其德

時那曉性喜讀書輕財樂施嘉靖甲戌歲大饑疫道殣相望
望曉爲賑貸不責償出洲地四千畝給牛種令親友分
種炭稅亦不取租其子大宗萬厯己丑歲視遠近求糶
曰吾積穀以備荒也豈爲值乎人各給穀少者以斗計
多者以石計

計如週字子郁家素饒豪俠好義值鄉里饑爲粥賑濟三
月賴活者多邑令雷時敏表其事於巡撫楊成旌以尙
義匾額

彭澤縣志

卷之十一

義士

聖

國朝

王 柱字瞻邑庠生性嚴肅不苟笑言娶童氏相敬如
賓年二十七童故一子歿齡有勤之續娶者則婉辭謝
曰吾幸有子可以已矣日則授徒夜則侍父潔居三十
餘載邑令李松泰嘉獎之

曾琪章字共玉邑庠生少有志操動履不苟嘗爲鄉里平
訟指示曰此陷穽也族有祭田所入一乘拱璋廣貸之
秋計息歛馬歛則停息十有五年所存粟約千餘石會
歲大饑殍殍載道琪章出所存以賑鄉人無菜色者人
乃知琪章昔非計利也爲今日儲外府耳

歐陽煥旭字浴且正直慷慨重義輕財康熙十年邑大饑

煥旭糴米數十石煮粥施賑本鄉

劉根漢字炎甫嗜學好義康熙辛亥大饑煮豆粥賑鄉人
三日又冬日遇覆舟者凍將死漢解衣衣之其人歸備
禮致謝弗受拜祝曰願公子孫世世昌隆漢生子傳爲
名諸生孫堂吏科給事中曾孫鎮寶崇祀忠烈至今劉
氏一門書香接跡可爲積善成德勸

項繼儒字翼先弱冠有聲黌序康熙初役派里長糧無牒
券重爲民累繼儒力請各憲役賦以平通邑賴之辛亥
歲荒施粥賑飢全活者眾邑令李遙獎以德望加歲屆
額即貢士賊猖獗鼓義勇捍禦殺賊地方悉保邑令喻
其親書義奮敵愾額旌之晚歲建宗祠刊家訓王令廷

彭澤縣志

卷之十一

義士

聖

藩贈以貽謀翊化吳令士宏著其才德首薦寶筵

張啟時字四如四都人輕財樂義康熙丙申出粟賑飢凡
過歲疫傾囊施藥學使徐昂發贈以匾曰令德永芳年
五十始舉森杏杰三子人咸謂德之所感云

萬 珍字君玉疎財重義昆季三析居已久兩弟家漸落
心傷之曰何忍我有餘弟不足也爰出已產再爲分助
明末左逆之變兵虜一少婦嚴氏置寨中時君玉無子
贖之爲妾挈至家再四詰問婦以有夫告君玉悽然不
忍犯命婢女爲伴另居一樓後婦母家訪至欲攜歸君
玉恐有別故不卽與出數金令回籍招親夫至順治二
年夫于鸞仲果至婦語以故感激不已玉并贈路費遣

憲後別娶側室生子善一曾孫卷遊邑泮元孫人傑登
乾隆丙子武魁任泗州衛千總至今松騰聲皆列膠庠
人以爲盛德之報

柯炳煥字讚文少孤長事母克供子職生平疎財好施予
江家渡捐貲置義船建橋亭行人利濟遠近賴之復建
大埠頭洪湖石橋數處古稱好義其庶幾焉

田蟾春字桂友敦善行喜周卹嘗遇窶人遺金泣於塗蟾
春解囊如數予之不求償凡鄰里飢寒者悉明其惠不
炫已長不言人短邑有盛德之稱

曾遂盛字大乾少失怙事母孝質敏嗜學尤喜讀易中歲
絕意名場以教子課孫爲樂家故饒嘗曰積而不能散
彭澤縣志 卷之十一 義士 四

是守錢虜耳因捐金建橋創亭周急拯荒無吝色年七
十七壽終

高 魁字英萬邑庠生家素封禮飭自守慕義好施親族
貧窘賑恤不啻再三丙申歲荒出粟賑飢全活者衆凡
遇道斃者必捐棺以瘞之人咸德焉

許殿邦邑庠生性慈祥災濟急雖傾囊不吝適抵南
郡有鬻女者日高月高固世族殿邦憐之攜歸養爲已
女嫁王門康熙丁卯邑西門火災殿邦出粟周之邑合
端木象謙贈以春回月旦匾額

高士奇字平六好善樂施康熙丙申歲飢士奇捐米施粥
以餉餓者鄉里全活甚衆郡守職分 惠濟流芳邑

令劉進旌以惠及醫桑匾額

汪 潛字元常少英俊喜讀書長補邑弟子員方正自持於當事無干謁性尤重義輕財康熙甲子歲里有醫妻償債者臨別號泣潛聞之得其故卽解囊二十餘金俾得夫婦相保越數日踵門叩謝潛曰惻隱之心人皆有之吾豈望報哉至今傳爲盛德事

劉道震庠生尙義好施康熙丙申邑大飢出粟賑貸全活者衆邑令陳夢盛贈以眞儒惠濟匾額縣東烏砂坂地當通衢舊有橋震傾貲重修以利行人三都大泊湖夏秋水漲兩岸相距不辨牛馬震捐囊以助舟楫邑令宋若臨申詳郡守劉賜以好行其德匾額

彭澤縣志

卷之十一

義士

聖

朱孔道字聖由好施予歲飢捐穀以甦困乏嘗道拾遺金候還之遺金者分酬弗受鄉黨推重舉列賓筵

高士前字在瞻國學生慷慨好義乾隆癸亥冬米價騰貴民艱衣食士前捐米以濟飢者製棉衣百餘領以給寒者時多賴之

高世俊字又千號謙堂援例授州司馬性孝友幼失怙恃事祖母奉養誠敬祖母年九十四俊溫清不怠兄嫂早亡俊懼沒大宗之產俾之承祀與弟友恭七十載生子八教以義方俱列膠庠乾隆丙午隣邑大飢俊賑粥周濟農人有屨佃未輸者俊給食并與牛種使耕如故親友凡有忿爭俊賠貲勸釋邑中大務每推俊首不辭勞

卒不避羣書歷任邑侯咸敬信之

以上舊志

丁世馥字佩蘭號紉之少有遠志長入粟授布政司理關性好義篤於爲善時郡邑祀典諸祠廟年深荒圯馥捐金爲之倡頽復舊觀其郡學大成殿及本邑奎星觀音等閣武廟下重則獨力捐建諸大憲以是愈重之尤喜濟寒畯試期無資者概贈外必以數金濟其家曰使無內顧憂以專於進取也每科皆然郡邑兩書院膏火寥寥肄業者苦之馥各捐貲以垂久遠士林胥受惠焉鄱陽某命與公善因事落職寓省垣不能歸馥以數千金復其官洲農某嗜樗蒲失業歲暮爲索逋所苦袖利斧將覓死馥見而憐之償所負予百金以贖牛種某感其

彭澤縣志

卷之十一

義士

吳

義改行致富償金辭不受晚年藏書數萬卷額所居爲聚書曰吾以是遺之子孫也年六十四以疾終邑中稱世德者猶首推之云

何益茂字瓊枝監生性仁厚鄰里貧乏周恤不少咨族有未婚者揭貲爲完娶試期助寒士資斧每科皆然嘉慶間重修下新橋鬻產捐百金取費者至門適益茂獨子殤趙旭未敢入益茂聞之卽具席相款又益以百金其篤於爲善類如此尤喜放生里有釣蛙者買而放之其人伺其去復取焉歸途相值曰胡久業此其人以貧對予十金俾改業晚年生子炳然食餼於郡庠後孫汝璽少慧有文名年十四以郡首補弟子員猶親見之

劉青雲字賓萬國學生性誠樸拙語言家不中資而樂於
爲善道光間濱江各洲多坍塌墳塚崩墮雲心惻然顧
夫沿河檢瘞之又置木桶千餘卒子弟日逐頽岸遍爲
踪跡檢八百餘棺葬之高阜皆無主墓也初雲夢數百
人求救醒而異之及持旻從事岸搖搖將頽勢危甚雲
爲私祝檢畢卽陷沒每塚皆然人傳爲異事

汪秀松字理持號古愚太學生生七月失怙二兄復繼逝
依母氏劉以孝聞幼孤苦匪人欺凌百端至老不念有
夜竊者親獲釋之卒不與家人道家頗豐宗族戚友有
急力拯之後不能還悉焚其券課四子延師重道至今
禮讓之風不衰皆松教也

彭澤縣志

卷之十一

義士

罷

彭敬先二十都農人也咸豐初髮逆踞縣敬先狂走約鄉
隣起義人皆掩耳敬憤慨欲絕聞里中曹陳兩茂才獨
薙髮如平日訪見之輒三拜執手哭失聲家居奉

萬歲牌昏旦上香惟謹八年知縣謝紹謙閱團至父安
局敬先控局紳不公初甚駭旣廉得其故曉之曰汝年
六十三汝姪方十五勇册例不列名何不公之有敬先
譁辨曰以我四歲與姪則我五十九姪十九皆合例矣
固請執矛爲前驅謝笑而送其
名乃大喜彭官保玉麟
聞而嘉之給八品功牌
楊熊武生被賊獲逼掌記室不從賊斷其四指

儒林

宋

高天錫號竹澗宋季嚴禁道學者亭之學幾廢先生究心
理學探不傳之秘續欲絕之統往來白鹿洞湖致知主
敬源流期於深造一時學者始知所宗趙忠毅嘗云與
友人高竹澗講明性理之學其推重如此一日吟卧正
寢俄云我欲還造化舊物矣奄物而逝祠鄉賢

鳳可翔雲漢龍紹興間豐城陳自免於掘劍池南創龍光
書院聘清江陸子澄講授其中四方學者雲集二子不
遑厥家負笈重邱歷年二紀於子澄微言緒論無不貫
徹由是充然有得厥棄時名業龍光者以二子稱首

明

陶欽民字克明六歲入里塾如老成人長遊邑庠力學不

彭澤縣志

卷之十一

儒林

異

倦有詩云千古孔顏真樂地直須尋到上頭來陽明王
公開府豫章欽民徒步從之繼膺鄉舉遊國學師甘泉
湛公復師涇野呂公皆推重焉

高 廉字尚潔遊邑庠以次當升太學親老致養遂不應
選別博士詩云長揖謝塵囂首歸田廬篤學慎修編
衣藜羹忻然沒身人稱澹庵先生

馮世盛八歲能文鄉里目爲神童長遊湛甘泉之門督學
高公必亨盛爲推重所著有三泉稿

王奉玠號象絃邑廩生少穎悟過人試輒冠軍邃於理學
所著先天後天聖賢心傳諸書焦漪園先生曾訂行世
以親老不就辟舉爲人篤於孝友年及期頤一日集子

第讀龍溪語錄忽神倦而逝流風餘韻被於隣境迄今
宿松烏池有王公祠春秋享祀歲以爲常子心約字彥
博學精品潔能世其業

國朝

何圖書字學傳性敏嗜學淹貫經史百家言植品以古人
自律雖燕居必正衣冠邑令王廷藩慕其賢造廬致敬
由歲貢任鉛山訓導造士有法多士仰爲山斗解任歸
杜門著述明察須察經務通旨天涯識路石麓溪聲周
易銘等集郡邑受業大司成王傳爲之序

王應昌字又介由歲貢授樂平訓導年已八旬猶勤於學
居官十載著四書五經通旨等書理本朱程爲學者宗
彭澤縣志 卷之十一 儒林 四
學使魚鸞翔贈號西山先生入樂平名宦

何 璫字瑜三號果圓又號如葵乾隆甲辰歲貢孝事父
母居長兄喪哭盡哀與人和藹終日振襟危坐動必循
禮爲諸生名噪學亭務根柢之學於十三經皆手抄成
誦諸史子集詳加評點著有四子講義左傳類纂諸書
一時名宿多出其門胞姪謙士喆皆其所裁成邑侯高
公蟠敬禮之每商校文藝親造其閭鄉闈三薦未售遂
就職訓導賈志以沒

歐陽汝顯字起巖五歲失恃奉繼母以孝稱昆弟間友愛
悉至性嗜讀弱冠補弟子員旋食餼讀益力致得咯血
疾浚於上進年四十餘 恩舉明經爲課子弟是務嘗

詢諸子曰凡人讀書非判當貴利是也讀書所以明理
理明則知義命庶無非分妄求之事爾曹勉之年七十
選廣豐縣教諭本無意仕途因廣豐地近鵞湖先儒
講學之地人文最盛欣然就道下車時進諸生勤講課
嚴取擇以孝弟實行爲先單寒之士尤加意體恤士類
感德慕行以文翁目之解組日諸生祖餞攀轅泣下致
顯爲人沈酣六籍下筆千言每試輒列前茅兼精醫理
十不失一卒年八十三子三人皆諸生孫曾輩悉列膠
庠不愧家風云

洪立模字貞選邑廩生敦孝友篤品行士人重之爭遊其
門教人一以古人爲範使生徒錄史傳嘉言懿行於座

彭澤縣志

卷之十一

儒林

季

右其不善者亦手錄而朱抹之以爲戒嘗謂門人曰讀
書貴治其心耳因以畚心箸其室且屬聯云立定脚跟
趨實地抖擻肺腑對青天年六十項貢未試而終著有
五經條辨長子文炳歲貢生次子麻辛酉拔貢皆庭訓
力也以上舊志

劉 黻字廣揚號東橋性穎慧博通經史尤嗜吟咏學蘇
詩得其神髓自寫夢坡圖一時名士爭爲題詠乾隆壬
子座主吳白華先生得其文奇之曰此西江正派也拔
置解首應禮部試未售紀文達公知其名延主西席深
相器重中年絕意科名秉南康鐸教人以存心立品爲
先造就多謹飭之士晚年構叢桂書室課子孫以壽終

生平著述甚富則書正疑梓行其星宿指南圖等書待梓

柯 魁字冠羣號楚墅恩貢生爲人超曠闊逸不投世俗好家居以孝友稱幼慧讀書過目不忘長益淹貫工書尤長於古文秦芝軒中丞愛其才送入豫章肄業試輒冠軍性恬淡鄉闈屢踵意泊如也主講春衣書院十餘年一時知名士皆出其門晚年杜門息靜惟以著書自娛著有養正堂古文課兒草等書梓行

汪肇崙字崑瑛號韞石進士持孫也少讀書有慧解長益刻苦自勵文思日進家貧受經造就悉知名士嘉慶辛酉舉於鄉授新建教諭南蒞任見 文廟傾圮卽會縣

彭澤縣志

卷之十一

儒林

至

倡修教諸生敦實行上游重之道光間葺新建邑乘考据紀載皆有法十八年以知縣截取未就去幾陞南昌府教授都察院都事銜越七載告歸享年九十一第澹如號接水幼敏嗜學博覽羣書弱冠補郡庠性孝友慟父早逝事母能以志養乾隆甲寅歲試高等食餼在卽聞母疾不覆試而歸授經十餘年邑先達以學優品遂稱之

曾逢吉號藹士生而穎異甫弱冠中副車坐國子監聲望日隆公卿多器之性嗜善執義最堅司高安鐸士多興起邑有事令不能理上游每函委焉公至立決以知縣薦辭不受咸豐間賊陷萬邑脅以僞宰公曰吾師一邑

若爲宰何以對多士不如殺我賊義而釋之密遣子書
雲赴官軍告急已而復其城周觀察玉衡素重公兩委
代理萬邑事蓋舊例所未有云

宗陳謨字伯榮號紀堂生而失怙家貧苦賴母柯氏勤儉
得從事於學性穎悟凡經史詩古文辭過目不忘年十
八補弟子員旋登乾隆甲子副車屢試不售遂以導引
後進爲心知名士多出其門生平耿介自持年甫三十
喪偶終身不續娶知縣張賦林聞其名延至五柳書院
相得甚歡越二歲司萬載鐸與諸生晉接口設經藝不
衰解組歸田卒年八十有一

顏詠霓字集純號仙裳恩貢生性方謹廉隅自勵處鄉黨

彭澤縣志

卷之十一

儒林 文苑

至

渾然不露圭角爲諸生五十餘年從未一入公門人咸
重之遠近延爲經師弟子著錄學宮者不下百餘人咸
豐初 詔舉孝廉方正知縣郭毓龍教諭李鏡蓉以詠
霓應選固辭不就學憲張芾因獎有儒行清芬匾額已
未 恩賜舉人粵匪之變合邑辦團舉詠霓總理永安
局久之見同人有不合者棄而歸築書室以養天和終
日危坐手不釋卷其耄而好學如此年九十四無疾而
終學者至今猶仰如山才云

文苑

明

王應才性敏學博爲文千言立就少時以詩謁大司成魯

公鐸云幾年道德仰餘光千里湘流上小航爲問門牆
如許大也容後學拜秋陽曾公見詩倒屣相迎遂爲忘
年友司夏津訓轉諸城諭士式楷模嘗鑄祭器濟貧生
尋歸著歸田錄

何 憐弱冠有聲藝林遊鳴山詩云十年燈火臨清夢萬
里風烟浪白頭所著有瀛河集古錄

國朝

宗元泰字晏如所居容膝耕硯養母不喜習經生業嗜作
詩與邑先達喻以恕劉覽元酬唱喻劉咸推重焉詩清
致瘦韻其入山草人多傳誦

何兆蕃字子宜邑增生幼穎異淹貫經史尤精易學窺河

彭澤縣志

卷之十一

文苑

五

洛理數參邵子書每占驗合符迥異識緯家數九工書
法才力過人然每遊橫逆尙道義不任客氣家素豐捐
貲卹困破產不顧會里雜額無定好胥苛索累民蕃奮
身以狀聞臺院邀請豁免里困以甦以孫儻貴贈建昌
府教授

洪岱齡字瞻巖號靜菴爲諸生時文名藉甚由邑廩登康
熙戊午賢書授鉛山教諭卓異陞吳縣知縣吳稱劇邑
齒齡下車後釐奸剔弊士民德之己卯同考得人爲諸
房冠如汪份諸晉尤最著者每簿書暇手不釋卷其仕
優而學如此

後應治字允康號鳳林康熙甲子舉人幼聰穎讀書卽曉

大義長益嗜學尤精周易所爲古文一切皆近裏着已
之言遊其門者卒成名士先是彭邑賦役未均有當年
遞年之累治仗事鳴公勒碑永禁至今賦役稱平選山
東金鄉知縣未任卒著有鳳林存稿

歐陽璞字廷礎郡廩生少奮志讀書過大義凡傳注所未
及者往往以意會之爲詩古文詞典博深厚淺學莫能
窺其底蘊生平以古道自處不尚華飾治家必以禮法
門內肅然晚歲杜門養重惟以教子課孫爲樂子三儀
崇禮皆讀書自好克世其家

周易斌字竹友邑增生其父鄉賓禮重產斌最後九歲始
就學性穎悟從名師游博于史工詞賦郡守江殷道器

彭澤縣志

卷之十一

文苑

壽

重之晚設菘竹園家塾杜門訓子吟詩自娛

汪鎮玉字六瑞歲貢生幼失恃事繼母鄧以孝聞性敏學
博邑令吳士宏景其文行聘爲書院掌教以子文煥師
之文煥後登榜眼致仕遇彭閭玉沒嘆曰吾師古君子
也文名之著如此

王煥瑄字自西少聰穎嗜學年十四補增生百家經史靡
不淹貫所作詩古文力追先正局戶自修課弟瑀瑋皆
諸生有學行嘗相誠曰讀聖賢書當思聖賢事無徒章
句爲也未竟所志四十而終

歐陽欽崇字念功邑廩生幼習舉業務敦實行故爲文皆
自道其中之所得雖屢試未售沒如也生平恪守庭訓

教子必以義方居城市如在山林惟日與二三韻士以詩酒自娛公庭未嘗一私謁尤樂獎勵後學見一善若已有必孳孳訓誨之士賴以成就者甚眾大理卿熊躡吉贈以藝林翹楚

汪鑑淑字儀一十歲能文十二補弟子員十七舉拔萃科貢入學授新喻教諭時喻邑 聖廟圯淑捐貲修葺課士一本先民矩矱如張子達曼一齋皆手拔士卒成名元碩輔外艱服闋補饑之浮梁其造人亦如新喻人以胡瑗稱之淑性孝友樂施與致仕家居鄉里仰之邑令李兩舉飲賓以風世焉

陶聯桂字明思生平尙氣節不作脂韋態益方正其天性

彭澤縣志 卷之十一 文苑

藝

也由歲貢訓導臨川教育栽培雅得士子心處同官惟以詩酒爲酬酢時李穆堂先生贈以氣凌彭澤之樽光照臨川之筆一時爲美談焉

桐友桐字榆芳聰穎嗜學弱冠通經史百家言以首選貢入成均授興國教諭諸生進謁必爲剖析疑義語不及私壬戌六月興邑大水浮屍不可數計友桐倡諸生訂同善錄捐貲掩埋在任十年改大成殿葺明倫堂建尊經閣皆親爲倡率歸里年七十餘猶購書萬餘卷其嗜學益天性然也

丁 濬字觀宸湛齋孫幼失怙事母以孝聞嗜學好古文準先程後學多尊師之用邑廩登雍正癸卯賢書癸亥

截選至京以疾歸沒爲人剛方嚴毅有忠諫風

計大表字裕中沉思嗜學強記博洽論孟學庸性理諸書無不參解精粹所著詩古文章清逸酷似晉人

田國福字攸萬英年負重名文追先正詩字爲時所推器識淵涵絕無城府兄弟間友恭著美士林尤敬服之

凌鍾繼字進昭父早沒母歐陽氏遺腹所生幼穎異甫就塾儼如成人弱冠補諸生益自力學文章行詣力追古人事母孝老而彌篤五十領歲薦痛母苦節籲請旌表

歐陽坦字思訓明太常卿一敬裔也年十三能文章讀書通曉大義雍正甲辰補弟子員乙卯貢成均乾隆戊午

彭澤縣志

卷之十一

文苑

美

登鄉薦當未第時出都門有他年若得逢歐治寶劍原來未折鋒之句至戊辰果捷南官歸以疾卒時論惜焉王化字于南幼聰穎嗜學窮經史子籍天文地理及卜筮醫命之書靡不究極精微爲文章筆雋而氣昌試輒冠軍以郡廩聯捷進士家極貧事親先意承志舉動悉以禮法自持座主金公姓贈以聯云風月襟期江海量英雄膽氣聖賢心蓋深許之也年三十二卒於家無子士林惜之

歐陽鶴鳴原名銳號書山性聰慧少有異才學爲詩古文詞卽能驚人稍長博覽羣書究其精蘊有所作揮毫立就時人稱爲才子鶴名旣高猶思所以擴其見而閱其

才於是遍覽名都大邑冀以識天下士至桐城留詩於張文端公五畝園中爲張君聖堂所賞遂歛至其家與君潛公弟兄唱和乾隆庚寅舉於鄉屢試禮部不第山右澤州守劉公開熏延主體仁書院澤之士奉以苦口婆心區額門生胥繩武令萍薊聘爲鰲洲書院山長主修邑乘結撰經營成於一手閱萍志者咸稱善焉著有文家秘要一卷行世

陶觀梅字怡然少博覽長專致力於四子書旁及左氏傳其意以四書爲經左傳爲緯人能通是書則身心之間家國之際裕如矣爲文醇茂古樸似荆川震川兩家乾隆庚子舉於鄉屢試春闈未第後秉鐸崇義縣崇之士

彭澤縣志

卷之十一

文苑

七

稱爲惜陰先生著作甚富惟崇義草尚存

項 邵字新臺歲貢生資才敏捷積學淹貫其著作揮毫立就如夙構爲諸生三十餘年試輒冠軍秋闈屢薦試藝出雖宿儒莫不擊節稱善仕宦家爭相延致一時登賢書捷南宮者多遊其門子珠光郡增生玉光歲貢生年八十猶諄諄以誘掖爲事邑人重其品學延掌春衣書院

饒廷訥字敬存戊申副車歲貢生饒鞏長孫也少謹樸敦篤孝友讀書務根底之學經史百家靡不研究評點手抄左傳春秋易經編輯類目可爲後學津梁所存詩古文詞宏深肅穆追宗班馬暨唐宋諸大家一時名輩加

陽湖輝敬新建曹熊咸推重之著有陶南集

汪在肇字辰玉號耐齋歲貢生性孝友淹貫五經有文名年逾六旬父癸交猶在堂父病親侍湯藥父死悲哀毀瘠三載不食酒肉兄在璞早逝墮待孤姪如己子養育教誨卒皆成立所著有金鍼集以子鑑魯贈修職佐郎舉太素字彥升號筠莊邑庠生性明敏博極羣書文章詩古組織成一家言著有嚶鳴雅集一時知名之士迭相唱和閒則寄興丹青有規倣摩詰之意

黃紹元字萬冕號廬峰附貢生品誼端方持身廉潔性嗜學每見奇書必重價購之家雖貧而牙籤滿架誦讀之聲弗輟所作詩古文詞力追先正著有澄清堂文稿蒼彭澤縣志

山穀語詩稿爲雲間吳世賢金谿黃師圖所賞鑒孫錦鏐銘鎮皆諸生人謂淵源有自云

劉法賢字蔚芳號又臣性孝謹天資粹美十八歲遊泮二十一歲領鄉薦時主司爲王勿菴以銜胡印渚長齡兩修撰得其卷深嘉賞爲文沈浸濃郁靈氣往來嘗謂讀書人以立品爲先文藝次之功名又次之以歐陽文忠公范文正公自期父種桃課讀嚴母何孺人多病奉養無間養志承歡宛然孩提之狀已巳試南宮卒於京耶聞者莫不殤惋潛有又臣遺稿子樹訓登道光壬辰賢書

以上舊志

張錦枝字斯製一字佩瓊號四香將詭夕母夢庭樹張錦

古芬四溢已而公生幼穎異日誦數千言爲詩文授筆
立就弱冠舉於鄉嘉慶丙辰成進士選庶吉士己未散
館授編修充文淵閣校理實錄館纂修官初公應
廷試以二甲第三卷進呈

朝廷大著作多出公手纂修

純廟實錄告

成

召見便殿

賜御硯

御墨轉宮

贊中允洗馬侍講侍讀等官一歲五遷詞臣異數旋授
日講起居注侍直 內廷尤加勤慎兩主鄉試一充
會試房考教習庶常多以經濟文章顯年四十任國子
監祭酒以外憂去官服闋卽請終繼母養主講豫章鹿
洞諸書院江右文風爲之一振嗚呼觀公之所以致身

彭澤縣志

卷之十一

文苑

五

事親與其所以立教學者之尊信而樂從豈偶然也哉
汪鳴相字佩珩一字需衛號朗渠其先世唐越國公裔由
微遷彭之黃花坂世族也公生有異秉聰穎過人落筆
超特試輒冠其儕偶道光乙酉受知於李芝齡宗昉以
選拔充縣貢壬辰受知於許玉叔球中本省鄉試癸巳
聯捷成進士 殿試一甲第一名 賜及第授修

撰公形貌昴麗臚唱出班風度已簡在

帝心矣董

下供職宗子多受業於門迎養舟至定官舍顏其課兒
室曰啟瀛有遠志焉甲午充順天鄉試同考官乙未充
廣西鄉試正考官歸途丁外艱未及親覆典試之
命扶柩南旋里居二載戊戌夏服闋北上時 特旨

每日

引見翰林二員公後至掌院以名單進

召見勤政

殿

天顏溫霽

訓誨周詳並詢及迎

養在京近狀成以將大用期之不數日報丁內艱是年冬又扶柩南旋眷口仍留京邸已亥薨親事畢庚子二月服將闋公有南贛講席之行員舟河干忽一夜自經死嗚可異也公曰神仙中人偶落塵境科第文章照耀千古堂上二親大事克盡舉手而去尙何憾哉公仲子士式已酉拔三元孫祖隆祖護皆以總角遊泮或謂此繩武之兆云

彭振瀾原名挽瀾號志齋淵默高簡留心經世之學爲文沉博絕麗殊不類其爲人少貧窶不能就傅學嘗牧犢

彭澤縣志

卷之十一

文苑

卒

聽經藉蹲鴟者耗於野豕嘆曰芋頭未滿斗瀾笑曰可對卷耳不盈筐從祖增生元吉奇其慧授餐教讀三年通五經試爲文命筆警絕曰此非我所能教也邑名宿陳元福鐸於近村具衣冠送灑拜受業膏火館穀皆資之由是名蜚蠻序郡伯張寅策屬邑利病瀾上書洋洋萬言張禮聘入署訂國士交乙未中經魁張爲南昌守賀主試得人益以遠大相期也而瀾卒未第選錫山教諭弗就以辦團加內閣中書銜掌教五柳書院所著詩古文皆散佚其團練紀畧修史試筆書成皆燬於賊時論惜之

曾光瑩號知山拔貢生博聞強識涉獵最多爲文吐衽一

切直潑筆微深入顯出無一語肯拾人牙慧每一篇出
遠近傳抄珍猶拱璧教人以根柢爲本必窮經研史熟
精文選然後涉筆從遊多名下士論者謂君行詣若金
玉詞翰如珠璣煨煉生徒如洪爐大冶時以爲知音
伺一碧號品石幼有文名嘉慶辛酉拔貢戊寅省試房考
司其文薦太力致落副車揭曉見爲明經弗錄遂絕意
進取生平尙氣節居城市絕跡公庭邑宰咸重之主講
五柳書院造就多知名士居喪不用浮屠晚年泊於世
務惟以課孫自娛咸豐初選靖安教諭比郵報至已沒
三月矣

高炳馭號雙竹少慧曉音律能詩古文辭嚴虛白主講鹿

彭澤縣志

卷之十一

文苑

三

洞時奇其文許爲西江一枝筆王省崖相國視學至九
江聞申得馭卷拍案嘆賞曰此仙才也館閣中殊不多
得是科拔萃獲首選游 京師不遇歸年三十資志以
沒著有紅雨山房詩集

曾書雲周鶴齡項俊昌三人年爭先後長均以文名伏一
時曾號望三爲文得力於其父逢吉所刊邑先正陶南
集頗具根柢周號琴叔項號甸民文皆英氣逼人然曾
得道光丙午一科久困 京華鬱鬱出爲湖南客死周
則庚子魁其經程罍播之直省終放廢於馬當塵俗中
頂之入拔萃選年甫弱冠座誦謂爲名場捷足乃奔馳
南北試卒不獲一科晚值髮逆在境怒其不蓄髮橫被

起髮昇陞外家病悲死且三人者均不見理於衆口嗚呼科第何物困人竟至於斯請杜詩所云欲殺憐才期評騭其生前與流連於其身後非朋友之責而誰責歟

篤行

明

曾

輝遙之子少承家學見古人忠孝大節卽發情思躬蹈之稍長多病父母戒毋苦舉業輝曰丈夫不仕則耕耳安能自逸取敗乃力耕爲養家用以饒遜尹金堂爲廉吏輝能仰承之平生不善知人過聞輒掩耳遇人有急赴之恐後終歲家稍落稻甫登塲責者環立輒散盡母壽八十輝亦六十餘事之猶嬰兒之在膝下比臨喪

彭澤縣志

卷之十一

文苑

篤行

奎

哭泣搗踊哀動鬼神每祭輒涕泗橫流雖八十後不少替輝雖隱於耕手未嘗釋卷所採錄經史百家名言及自著漫興詩歌數卷藏於家郡守禮請鄉飲數不就括蒼翁鄭公躬造庭勸駕爲一往因謝曰某布衣分不得在尊重所未敢就者懼不稱折福耳子璠刑部員外郎比考績將膺封未及三月而輝已卧病不起彌留之際次子詭請曰貤封將至願上冠服輝搖手曰免休矣君命一日未下我猶布衣第還我角巾野服墓安也卒贈刑部員外郎以孫省吾貴累贈工部尙書

畢 璠字士寶孝友信於宗族鄉里有爭多取平焉課子讀書尊師友始終無倦

項作聰幼失怙鞠於母氏學成而母復逝傷不逮養遂絕
意科名謹身敦倫與鄉飲縣令龔九鼎爲作隱君傳

何兆愷字君攀少負才名因子圖書補弟子員遂不就試
築室山中琴書自娛不近顯宦居恒布衣蔬食嘗語人
曰當爲造物惜福

畢煥芬字實右郡庠生孝友傳家詩書垂後至性剛方言
笑不苟焚券濟貧士民稱之

歐陽晟字長寅都司鉉季子年二十舉己卯鄉試甲辰成
進士聞母病歸未抵家而母故晟以祿不逮養遂絕意
仕進歲時祭奠哀毀如初喪誠動左右與伯兄光仲兄

彭澤縣志

卷之十一

篤行

三

熈友愛一堂怡怡如也性嚴毅剛正不假人辭色邑公
事多倚賴之人每服其公平他如解囊全節出粟賑飢
成人宗嗣其美舉吏難屈指臨沒誠子勿事浮屠今皆
仰其風云

注在衍字廷嘉郡增生幼賦岐嶷器宇淵粹鄉試三薦不
售遂絕意進取著有澹園文集玩月軒小草性孝友事
親誠恪常以忠信篤敬自銘每呼其子澍清誠曰儒者
立身天地間當處事無忽心與人無欺心然後可以中
行獨復故其子文行交修皆衍教也

袁勳元字紀常讀書貫穿經史尤究心黃帝素問之學負
經濟才不得志遂假岐黃以濟世家世清白相傳鉛華

不事爲鄉黨法邑令吳士宏舉飲賓馮子三以次子學
讓貴贈處州同知

何邦英字若采補邑弟子員教學三十餘年里中名宿多
出其門範身以禮法未嘗繩人然望其儀度自生敬畏
雖素狂放者荷斂容肅志也公平渾厚終身不入吏庭
允稱有道君子以子儵貴贈建昌府教授

凌應臚性穎慧善屬文補邑增生足跡不履公庭生平存
心忠恕無怒言忿色鄉里咸親愛之父母逝哀毀骨立
手足折撫姪如已子尤爲大節可風

汪之淮字會沂邑庠生性喜書籍時左寇燹民居至淮室
見積書充棟不忍焚生平以篤實自處雖饒於財無驕

彭澤縣志

卷之十一

德行

書

態常分有餘以濟人急積券盈箚不償不問也晚歲以
遺書課子孫戒勿市利而失忠厚之風至今鄉里稱之
歐陽映翰字雲祥號翁菴厚重少文治家以禮法子孫數
十人舉食長案分長幼列坐內外肅然鄉黨晉接非衣
冠不敢見買山塋母置祭田翰獨力經營不取貲於昆
弟邑令吳舉爲飲賓子六五光緒庠生有學行舉鄉飲
正賓

饒有任邑庠生舉大賓性質直以古道自處而待人溫和
雖對僮僕雍雍如也教子弟務以禮法見坐立躡倚必
面責之每曰人家子弟多以縱而敗以嚴而成吾嘗爲
其嚴者享年九十臨終整衣冠而坐猶以謹飭自好詩

詩訓誡後人

鄧林正字雲樹歲貢生聰穎嗜學善屬文屢試冠軍邑中
知名士多出其門生平質樸嚴毅以禮自律亦以禮律
人見人有過輒攢眉若不可一朝居其梗概如此
江通治字霖潤邑增生沉潛伊洛之學不尚浮夸嘗語學
者曰時藝弋取科名耳實在工夫須從倫常着力倫常
有忝百行莫贖故一時登選者多謹飭之士
項師昶字重裘性穎異讀書無不忘終年補郡庠壯歲領
歲貢生平嚴於自律足跡不履公庭文章品詣為邑推
重知縣李祖且嘗過廬者訪贈以君子人也區額繼在
李松泰曾立祠以祀之

彭澤縣志

卷之十一

篤行

奎

凌應拔字居謙少聰穎因母患瘋疾讀書寢門弱冠補第
子員旋申庚子湖軍資視田以奉親上有五兄皆早世
撫諸姪恩同己子嘗立宗訓二十條詩諄訓諭族人教
授生徒亦以身體力行為要士林中首推篤實焉

周九穀字絲斯郡僧

嬰疾周旋調護久而弗懈宗

族以孝稱穀慨然曰

事耳何敢言孝又嘗拾遺金

一囊守失金者還之生平多懿行有雅度邑令劉進稱
為金玉君子

程謙字士光邑廩生敦尚樸誠斥遠浮佻妙齡入泮序

屢困鄉闈絕無慍色性惻惻然恪守師碑課徒教子以
讀書窮理為務提學王嘉其篤行舉優示獎

周家震字六長稟性孝友制行純篤每言讀書做人必實有見地屢試不遇規行矩步人咸尊之

歐陽明泗字儒瞻性謙和有量讀書淹洽以接引後學爲事嘗戒其門人與子曰君子小人分途不外敬肆二字作功過箴規書於壁以自警

劉世禧字廷謨號愷菴邑增生世居卓里身負異才而務爲沈潛之學嘗謂讀書不通經史如無楫而濟江河居心不耽大義猶無炬而入幽室孝慈友弟忠信篤敬乃食之醯醢不可一日無者也識者以爲名言居鄉能任恤不爲財吝歲歉捐貲賑濟洲民邑侯高尚禮以同拯疾苦旌之後建立家塾置義田高又親製序文並贈以

彭澤縣志

卷之十一

篤行

矣

樂善不倦匾額今子孫庠序相望以禮法稱於士林

劉名青字匡夏幼穎悟侍父習舉業父故獨依母居性孝友每自外歸必先趨母所問飲食勞苦後家小裕居室湫隘弗計先營書室數椽延師教二子處家最儉惟奉母與師不少吝鄉里貧乏者量力周之喪不能塋者助以棺材居後有涼亭一夕風雪中死者青聞之卽買棺塋於亭之西岸其孫徽銘石墓前號爲涼亭君者是也村西有毛姓無主墳三塚青每歲清明必祭之戒子孫使勿失今亦立碑墓前家有老婢常囑家人曰此姥及汝輩五六世矣先人所遺必善待之其教子孫率以謹肅忠厚爲本故至今不失家法長子遇以府首補郡

增生次子邁太學生遇子韻黼黻綬皆增生黻申乾隆壬子第一名舉人曾孫開元開一皆列庠序夫婦俱八十餘歲

曾慰考字思孝號鑫堂世居縣之九都喬亭福心省履貢生任臨江府訓導父宏緒拔貢生中式康熙己卯科舉人鑫堂年甫七齡父沒事母氏朱最孝敬侍兩兄篤友子之誼刻志讀書學先根柢補邑庠生屢赴鄉闈未遇構家塾授經惕惕然以承先啟後爲念取詩書中及先賢格言手抄成帙教子弟有禮法待人嚴正不苟狂放者望之自爲斂容遇事平以禮規以義從容勸導衆志帖然稱服不至構訟於庭生子三長選遇乾隆戊子科

經元官廂建建甯縣知縣次道涵歲貢生季選達乾隆庚子科舉人官山東榮城縣知縣長孫守一乾隆丁酉拔貢由永新縣司訓陞南康府教授旋任安嶽休甯縣知縣山西萬泉縣知縣長曾孫怡志郡庠生分發安徽候補州判其餘或列明經或遊黌序皆鑫堂培植之力也享壽七十有五

袁大中字篤忠少有文名爲邑增生初中父學謨家貧嗜學客遊京師二十餘年始領順天鄉薦成進士當學謨留京時家愈貧幾無度朝夕大中挺然自立不以貧累其母汪宜人賢淑益激勵之以故有聲庠序後累試不售遂援例授光祿寺署正性慷慨由貧困轉歷豐亨愈

好善不倦捐置義田凡族中貧乏者試場資斧祖祠祭
祀皆取給焉享年六十

曾 進字孔源邑庠生賦性剛直笑言不苟事父母備極
孝敬處兄弟無分畛域好施與重然諾學宗朱程質樸
有古人風建置山泉書屋為義學藏書數千餘卷以延
師課讀為急務值歲旱分積穀賑卹困窮鄉人不戒於
火出貲力救贖人鬻妻終不告人每歲臘底其村有孤
貧無依者必計口分給寒衣錢米贍之鄉鄰咸頌不衰
今子孫皆成名

朱清辰字寅畏郡廩生性篤天倫老猶孺慕父母卒哀毀
幾絕每至墓所必悲號終日不忍去其學務根柢訓子

彭澤縣志

卷之十一

篤行

資

弟禮法森然家貧授徒於外每教之敦倫立品不徒拘
拘於文字之末以故遊晟門者率皆務本土卒年六十
餘子師洛郡廩生

汪 拔字萃山號慮菴髫年補弟子員素以孝友聞父老
倦痿痺行止不遂拔常負之宴遊族里以博其歡兒早
故拔撫孤姪如已出凡祖宗墳墓祭產皆捐貲培植親
房無副之墓嘗為立碑為人守正不阿常榜朱子格言
於室每月朔必焚香讀之家世豐裕而儉樸自處見親
族貧乏者恒憐念周恤至今鄉里猶稱之

計

偉字國光號恕堂太學生資稟勁特氣節光明而羸
養沉粹無復圭角敦行孝友克底雍和強恕之中若有

成法平居恂恂無甚可否及酬酢事故斷以義理期存
截然不可犯者以上舊志

歐陽鏊字岡竹筠其疏少失怙恃事繼母能得其歡心
既長刻勵於學入邑庠旋食餼教授生徒以爲養履餼
鄉薦未售念家益落食指益繁仿古懋遷計業稍起而
所至僉尊之曰先生凡不名而先生云者不問知爲鏊
也性溫厚雖橫逆不爲駭遇後進必課所學而獎勵之
其自處清苦特甚而不苟取與遇窮困則樂施以濟急
鄉人某負鏊適遠出其妻病劇饋之藥而明恤之某歸
而感泣嘗挾重貲僦歸舟人故泊蘆洲不進心知其盜
然無如何忽有來舟遙呼曰得非先生耶風利胡泊此

同之曾濟其急者也遂挽鏊過舟以免於難乾隆辛亥
貢明經嘉慶丁卯 恩賜鄉舉明年以捐修 學宮不
果北上身親庀材鳩工葺事又明年試禮部 恩賜國
子監學正甲戌選授建昌訓導至則以躬行實踐教諸
生居三年見同官有不循分者慨然曰孰謂此冷官易
盡厥職哉遽解組歸庚辰得元孫五世一堂 恩賜七
葉衍祥匾額人咸謂鏊以一諸生三受 朝廷寵錫
年幾八十猶走數千里赴春官試固其精力神明得天
獨厚要其生平歷艱苦困阨而忠信篤敬以貞其守至
耄不衰則所以享此福壽康寧者豈偶然哉年九十三
以壽終孫曾輩多以政事文學顯

歐陽巢字斐粹號玉樓生未週二歲而孤母氏錢賢淑曉
大義嘗警教子若理髮獨子不可無教猶寡髮不可廢
梳也卒以母教卓立爲一鄉望天性嚴毅遇事正直是
與雖孤露不撓不阿族黨不平之訴折以公理直言如
繩削斧斷人咸服無終訟者家不中貲而樂與人爲善
見戒溺女文發願自十世祖以下族人產女彌月送白
金一兩雖自憾力薄弗能及遠然鄉隣溺女之風亦少
息焉爲大宗小宗營祭產尤竭一生心力或創或因務
使出入有餘裕至疾革猶分命諸子各承一祖祭事應
曰諾然後目瞑也惟念母氏育子之閔居恒言及淚痕
必交睫暮年節朔祭奠必親必哀每以母賢未及登志

彭澤縣志

卷之十一

篤行

七

傳爲一大恨誠諸子讀書須博封誥以光潛德迨後七
子均列冠帶長子麗登賢書截取到班道梗未赴 例
贈文林郎五子燾團練保舉五品銜同治二年成進士
鐵發山西代理沁水縣事 單恩 誥贈奉直大夫錢
母爲太宜人竟成厥志云

周曰庚號兼白邑優增生學有根柢下筆不落恒蹊屢膺
鄉薦未售遂棄舉子業經理家務家稍起凡戚黨中有
急必竭力調之從無德色事父母極孝母老病臥床褥
親侍湯藥衣不解帶者月餘事孀母柯氏尤謹柯青年
守志一子早沒家貧無以爲依公獨瞻養三十餘年喪
葬盡禮并以已次子嗣柯爲孫另籌祭產性力慷慨遇

事踴躍直前鄰里有爭輒爲排解人皆服其正直邑中
向無考棚書院嘉慶初與諸鄉耆協力創建爲然大觀
而於書院經費尤極意籌畫至今生童膏火賴之以
劫官河南 覃恩 誥贈奉政大夫 晉贈朝議大夫
累贈通議大夫

張秉煥字青選號澤軒太學生家世書香爲明經公銘堂
第三子明經公以高才碩德爲時儒宗諸子承先澤皆
專於學獨以家事無人綜理器煥才弱冠卽爲納粟時
煥補試方前列非其志也以父命理家政內外井井兄
弟履其公性和而介鄉里爭競據理勸釋人皆知感尤
好宏獎士類憐才好士推解無稍吝以是家日落晚歲

生幼子甫八九歲煥課之讀放中老農勸曰家貧非耕
不活盍以幼子出拾柴薪煥笑曰貧者士之常青稷吾
家故物豈以貧壞先業哉課讀益勤家僅田一畝二分
賣以供膏火皆謂古言教子不留田半畝煥是矣年七
十二以疾終子經畬已未舉人

歐陽麗字炳之號煦人少負幹濟才年甫二十登賢書載
取縣尹到班以道梗未展其志道光間 文廟傾圮麗
首議興修勞瘁從事費節於舊而規模壯麗甲他邑五
柳書院數圯於水考棚亦相繼頽落麗節次繕修卒復
舊志他如祀典各祠宇或移建或遺創或補葺數年之
間百廢具舉總理邑中公事三十年邑宰咸重之居家

能繼先志父業設法興祭未竟而歿罷卒其事訓誥躬
皆以科第文章顯鄉黨有訟麗至卽息卒曰士林悼之
劉向黎號柱園歲貢生幼孤嗜學涉獵最富性淳厚不露
圭角言動以禮與人以誠親故窘迫輒恤之晚歲玩心
神明類有道者著有讀易心解省身錄史評等書待梓
高利賓字協奇號用齋歲貢生博通經史善詩古文辭凡
名家象數靡不精詳日持古史批閱鎔鑄宏深耄年猶
手不釋卷舉鄉飲正賓以孫梯官徐海道 誥贈資政
大夫著有問居偶錄草待梓

方步瀛字朗仙思貢生明經德門之子也少負雋才長遊
於學性誠樸愛問通課兒之服布衣蕭洒適意釣遊若
彭澤縣志 卷之十一 篤行 三
無心於世務者咸豐八年曾節相領兵東下建德李濟
元謀起鄉團以應之格於眾不就濠密陳於節相札李
委辦團營事眾議遂定一方賴之其決大事聲色不動
類如此子家模已未進士

周洪春字子誠號亮齋歲貢生幼聰穎好讀書詩文逸趣
橫生試輒冠其曹偶性至孝尤篤於倫誼季父母早世
遺一子蕩焉始孩父母育之存體二人意視之如胞生
年二十七失偶子女俱幼有大家某愛其才且欽其品
欲妻以女春婉辭之終不妻人尤以此多之然終未獲
一第殆所謂豐於才而齋於遇者也

唐

李中白號元通子邑人抱道寡合隱城東之富陽山建極
賓亭詳皮日休記

明

前 堃字仲文少業軒岐年十二遜菴李中丞因珍脈奇
之嘗詣陽明王公求心性之旨公曰舉世皆醉君獨醒
後遂號以醒翁云

歐陽珍字良玉耽意經史能詩文甘貧樂隱不趨尊利年
八十而終

何文學字勉之篤志好古居石壁山下遇學者執語以孝
弟可為堯舜之理卒年七十有二著蟋蟀秋鳴石壁樵

彭澤縣志

卷之十一

隱逸

三

唱等集

凌雲吳字雲卿邑庠生篤志佔畢不事生產後并絕意進
取不復與諸生試第雲奇字印可少時不屑毛錐嘗馬
上其槩有乘風破浪之志已而放於詩酒嘗吟曰藏身
金穴雖男子埋骨糟邱亦丈夫因別號酒民晚精醫為
人治病不受謝得醉而已

國朝

葉曰頤字字吉康熙庚戌與劉曉仗劍北上甲寅闢滇疆
順承王及都統范某副都統祖某領兵五萬長驅荆襄
掃靖餘孽攻守七年有餘日頤與劉曉從征協力調護
軍機日無停晷庚申春西南平曉以功得官曰頤以母

老辭歸日與親友詩酒盤桓屢薦不起范都統知其志不可奪書手授天下四字贈之清風亮節有幼安元亮之風焉

胡伯趙字惟聖卜居蔣壩之月山不求聞達終身饒樂

張京謨九都嵐陵人性疎宕不屑治家人生產博覽史傳慕陶靖節之風自號菊存居士薄田數畝命五子種秫以供饌室中列瓶盞日與鄰叟酌飲惟四子旂奉壺侍酌則爲旂講新書理俾望古作規勿染近時儂薄習鄉里紛競得菊存一言解之咸厭厭有告匱者輒領所有與之不少吝今嵐陵登科第者皆旂後裔也人以其爲有隱德云 以上舊志

彰澤縣志

卷之十一

隱逸

七

汪 暗號芝山學博瑞孫也性隱願博覽羣書不屑舉子業亦不事生人產年二十二失偶誓不續娶好遊名勝題吟甚多詩長於古體獨往獨來梓有芝杉詩草行世尤精畫法有摩詰風晚年著有易經圖說推廣河洛未成而卒

周子莊號芥舟布衣能詩與兄光墻齊名嘗慕黃鶴樓之勝徒步而往嘯吟其上慷慨懷古意酒如也應試不遇遺棄帖括日以詩酒自肆爲人磊落有奇氣結交傾肝膽尤迎人急道光間遊京師時項孝廉瀾病逝同人望望斂手去子莊傾囊爲殮扶瀾柩三千里歸葬士林愈重之晚年遊豫章竟以客死署有小坳堂詩草行世兒

光墻歲貢生能古文嚴簡有法著有峩峩軒詩古文集
惜家貧未梓

